

竹
书
纪
年

竹書紀年注箋卷之四

梁 武康沈 約休文附注

清 當塗徐文靖位山統箋

馬 陽葵齋

同里 校訂

崔萬烜郁岑

帝泄

箋按夏本紀帝
芒崩子帝泄立

元年辛未帝即位

十二年殷侯子亥賓于有易有易殺而放之

箋按子亥
遷殷見世

本据竹書則子亥為冥子遷殷在夏后帝芬三十三年至是三十八年矣山海經困民之國有人曰王亥

托于有易河伯僕牛有易殺王亥取僕牛郭注云河伯僕牛皆人姓名誤河伯伯爵前所云河伯洛伯是也僕牛地名也殷侯亥賓于有易托處于河伯僕牛之地有易乃殺王亥取僕牛如文八年取武城昭八年取鄭之例不得以河伯僕牛皆爲人姓名也又困民之國郭氏不注襄十四年傳若困民之主匱神絕望社稷無主將安用之林唐翁注困民之主曰困苦其民以主其國山海經困民之國當如是解

十六年殷侯微以河伯之師伐有易殺其君綿臣

箋按郭璞

曰上甲微殷之賢王假師以義伐罪故河伯不得不助滅之

殷侯子亥賓于有易而淫焉有易之君綿臣殺而放之故殷上甲微假師于河伯以伐有易滅之殺其君

綿臣中葉衰而上甲微復興故殷人報焉

箋按前漢書古今人

表帝嚳如簡邊生高高五世孫冥冥子亥師古曰亥音該据竹書亥卽亥也天同該秉季德又作該是亥讀爲該也亥子微滅有易所以報父之讐也國語曰上甲微能帥契者也故殷人報焉

二十一年命畎夷白夷元夷風夷口口黃夷

箋按後漢西羌傳昔

夏后氏太康失國四夷背叛及后相卽位乃征畎夷七年然後來賓至于后泄始加爵命由是服從注引竹書紀年曰后泄二十一年命畎夷白夷赤夷元夷風夷陽夷

二十五年陟

帝不降

箋按夏本紀帝泄崩子帝不降立世本作帝降

元年己亥帝卽位

六年伐九苑

箋按史記張良曰關中北有胡苑之利索隱曰苑馬牧也馬生于胡又按水經注苑

川水出天水勇士縣之子城南山東北流歷子城川苑川水又北入于海疑卽爲九苑之故地也捷錄法原曰不降席崇最久九苑一役僅可稱述蓋不降自卽位至陟年共六十九年也

三十五年殷滅皮氏箋按周左史戎夫記曰信不行義不立則哲士陵君政而生亂皮氏

以亡謂此也括地志絳州龍門縣西一里八十步卽古皮氏城也

五十九年遜位于弟局箋按是年丁酉帝不降遜位於弟帝局

帝局箋按夏本紀帝不降崩弟帝局立今据竹書不降讓位于弟後十年始崩是史誤也

元年戊戌帝卽位

十年帝不降陟箋按是年爲丁未

三代之世內禪惟不降實有聖德

十八年陟箋按帝厘元年為己未則帝崩崩年當是戊午十八疑二十之譌

帝厘箋按夏本紀帝崩崩子帝厘立

一名盾甲

元年己未帝即位居西河箋按河在冀州之西曰西河

四年作西音箋按呂氏春秋曰殷整甲徙宅西河猶思故處實始作為西音今據竹書殷王河亶

甲名整自相遷驚無宅西河作西音之事惟夏后盾甲即位元年居西河四年作西音而呂氏誤記殷整

甲也梁劉勰文心雕龍夏甲嘆于東陽東音以發殷整思于西河西音以興是又以不韋誤矣

昆吾氏遷于許附注已姓名樊封于衛夏衰為伯遷于舊許○箋按郡國志濮陽古昆吾國左

傳昭十二年楚靈王曰昔我皇祖伯父昆吾舊許是宅是昆吾自衛而遷許也左傳許太岳之胤也杜注

許神農之後堯四岳也迂齋云申呂齊許皆四岳後
堯讓許由即其一也堯典咨四岳汝能庸命與朕位
是讓許由之實地理志潁川許縣故許國許後遷葉
又遷夷又遷析即白羽又遷容城故以潁川之許為
舊許今開封府許州
即昆吾所遷地也

八年天有妖孽十日竝出
箋按高士傳堯讓天下于許由由曰十日竝出而燬火不

熄其光也不亦難乎此蓋以堯德光被如十日竝照
所謂就之如日也世誤以堯時果有十日堯命羿射
十日中午其九妄矣觀竹書帝厘八年十日竝出直以
妖孽書之豈堯時先有十日而不書乎其後桀二十
九年兩日並出漢書五行志周靈王時有黑如日者
五晉愍帝建興五年三日並照唐書突厥傳五日並
出三月連明是
皆妖孽之類也

其年陟
箋按帝厘元年己未八年陟則是丙寅据孔甲元年己巳則中間尚隔丁卯戊辰二歲蓋孔甲

居喪三年而卽位也夏制皆然

帝孔甲

箋按夏本紀帝履崩立帝不降之子孔甲

元年乙巳帝卽位居西河

箋按是己巳云乙巳誤

廢豕韋氏使劉累豢龍

箋按昭二十三年傳蔡墨對魏獻子曰昔有鸞叔安有裔子曰

董父實甚好龍能求其耆欲以飲食之龍多歸之乃擾畜龍以服事帝舜帝賜之姓曰董氏曰豢龍封諸豳川及夏后孔甲不能食而未獲豢龍氏陶唐氏既衰其後有劉累學擾龍于豢龍氏以事孔甲能飲食之夏后嘉之賜氏曰御龍以更豕韋之後杜預曰更代也以劉累代彭姓之豕韋鄭語曰豳夷董姓祝融後王符曰豳夷豢龍則夏滅之今平陽聞喜縣有董澤一名豢龍池見昭二十九年傳路史堯長子監明早死封其子式于留留累其後也以豢龍事夏

三年王畋于萑山

箋按呂氏春秋曰夏孔甲遊于東陽田于萑山天大風晦冥孔甲迷惑入

于民室郡國志泰山南城縣有

東陽城孔甲田于東陽萑山

五年作東音

箋按呂氏春秋曰夏后氏孔甲作破斧之歌實始為東音

七年劉累遷于魯陽

箋按夏本紀劉累學擾龍以事孔甲龍一雌死以食夏后夏后使求

懼而遷去括地志劉累故城在洛州緱氏縣南五十

五里左傳曰遷于魯縣竹書曰遷于魯陽地理志南

陽魯陽縣有魯山古魯縣御龍氏所遷續博物志劉

累遷魯立堯祠于山一統志魯山在汝州魯山縣東

一百八

十里

王好事鬼神肆行淫亂諸侯化之夏政始衰

箋按夏本紀孔

甲立好方鬼神事淫亂

田于東陽萑山天大風晦冥孔甲迷惑

入于民室

箋按山海經和山上無草木而多瑤碧實惟河之九都神泰逢司之是好居于黃山

之陽主人方乳或曰后來見良日也之子必大吉或又

曰不勝也之子必有殃孔甲聞之曰以為余一人子

夫誰殃之乃取其子以歸既長為斧所戕乃作破谷

之歌是為東音劉累所畜龍一雌死潛醢以食夏后

饗之既而使求之懼而遷于魯陽其後為范氏

箋按左傳

襄二十四年范宣子曰昔句之祖自虞以上為陶唐

氏在夏為御龍氏在商為豕韋氏在周為唐杜氏晉

主夏盟為范氏括地圖曰夏德盛二龍降之禹

使范氏御之而行蓋因宣子之言而推原之也

九年陟

箋按劉向列仙傳師門能使火為夏孔甲龍師孔甲不能修其心意殺而埋之野外一旦風雨

東郡白馬縣有韋城古豕韋氏之國蓋彭姓之豕韋也

三年陟箋按僖三十二年傳蹇叔曰崤有二陵焉其南陵夏后皋之墓也杜注皋夏桀之祖父

帝發箋按夏本紀帝皋崩子帝發立索隱按世本帝皋生發及桀與此異

一名后敬或曰發惠

元年乙酉帝即位

諸侯賓于王門再保墉箋按王門當作玉門昭十八年傳鄭祁于四鄴杜注鄴城也爾雅牆謂之墉釋名曰墉容也所以隱蔽形容也尚書

大傳曰天子賁庸鄭康成注賁大也言大牆正直也家語曰孔子觀四門之墉是有一門即有一門之墉也史記項羽紀成皋北門徐廣曰成皋北門曰玉門

後漢東夷傳夏后太康失德夷人始畔自少康已後世服王化遂賓于玉門獻其樂舞今按竹書帝發崩

桀卽位居斟尋則斟尋在河南時帝發必先居河南之地桀因居之去成皋不遠是諸侯賓于玉門當卽此也月令注都邑之城曰保

會于上池

箋按會于池水之上曰上池猶郡在洛水之上則曰上洛是也

諸夷入舞

箋按孝經緯曰東夷之樂曰鞀南夷之樂曰箛西夷之樂曰侏離北夷之樂曰禁五經通

義曰舞四夷之樂明德澤廣被四表也東夷之樂持矛舞助時之生南夷之樂持羽舞助時之養賈公彥周禮疏曰凡舞夷樂者皆門外爲之此言諸夷入舞者不知其舞于門外否也

七年陟泰山震

箋按泰岱也王者更姓改物有事于泰山所以著代也泰山震則將有代起而

王者此其兆也

帝癸

箋按夏本紀帝發崩子帝履癸立

一名桀

元年壬辰帝卽位居斟鄩

箋按括地志故鄩城在洛州鞏縣西南五十八里蓋桀所

居也國策吳起對魏武侯曰夏桀之居左河濟右泰華伊闕在其南羊腸在其北

三年築傾宮

箋按淮南墜形訓傾宮旋室高誘曰傾宮宮滿一頃旋以琬玉飾宮也左思吳都賦

思比屋于傾宮畢結瑤而構瓊劉淵林注曰汲郡地中古文冊書曰桀築傾宮飾瑤臺紂作瓊室立玉門

毀容臺

箋按周紀表商容之閭鄭康成曰商家樂官知禮容所以禮署稱容臺儒林傳孝文帝時徐生

以容為禮官大夫是也桀毀容臺則禮樂廢矣

吠夷入于岐以叛

箋按吠音犬韋昭曰春秋以為犬戎小顏曰卽昆夷也

六年岐踵戎來賓

箋按岐一作跂淮南墜形訓有跂踵民高誘注跂踵踵不至地以五指行

呂氏春秋富染篇夏桀染于羊辛岐踵戎是也大荒
北經曰跂踵國在拘纓東其為人大兩足亦大一日
大踵郭璞曰其人行腳跟不着地也孝經鈞命決曰
焦僥跂踵重譯欵塞也又按山海經曰流沙行五百
里有山曰跂踵之山或
即為跂踵國故地也

十年五星錯行

箋按漢志曰歲星曰東方春木於人五
常仁也五事貌也仁虧貌失逆春令傷

木氣罰見歲星熒惑曰南方夏火禮也視也禮虧視
失逆夏令傷火氣罰見熒惑太白曰西方秋金義也
言也義虧言失逆秋令傷金氣罰見太白辰星曰北
方冬水知也聽也知虧聽失逆冬令傷水氣罰見辰
星填星曰中央季夏土信也思心也仁義禮知以信
為主貌言視聽以心為主故四星皆失填星乃為之
動易緯河圖曰日月五星同道起牽牛女虛危室壁
奎婁胃昂皆行其南九尺畢北七尺觜參北一丈三
尺貫東井出鬼南六尺柳北六尺出星張翼北一丈
三尺軫北三尺賈角亢出氐南二尺出房左右股間

出心北四尺出尾北九尺出箕北六尺貫南斗復至
牛此日月五星所行之常道也荆州占曰五星者五
行之精也王者施恩布德正直清虛則五星順度出
入應時人君無德遠君子近小人則五星逆行變色
出入不時

夜中星隕如雨

箋按春秋莊公七年夏四月辛卯夜中
星竄如雨公羊傳曰如雨者非雨也非

雨則曷為謂之如雨不修春秋曰雨星不及地尺而
復君子修之曰星隕如雨竹書夏桀十年星隕如雨
者紀年法春秋文也

地震

箋按周語曰夫天地之氣陽伏而不
能出陰迫而不能烝如有地震

伊洛竭

箋按伯陽甫曰昔伊洛竭而夏亡章昭曰禹都
陽城伊洛所近謂此也余謂桀居斟尋在鞏洛

則伊洛最近何必遠追神禹
乎又禹避丹朱陽城非都也

十一年會諸侯于仍有緡氏逃歸遂滅有緡

箋按昭四年傳椒舉

曰夏桀為仍之會有緡叛之山海經季釐之國有緡

淵韓非子桀為有戎之會而有緡叛之戎當是仍之

譌春秋昭二十三年齊侯伐宋圍緡杜注緡宋邑高

平昌邑縣東南有東緡郡國志山陽東緡縣春秋時

緡曰

十三年遷于河南

箋按周書度邑篇武王曰吾將因有夏之居南望過于三塗北詹有河是

在大河之南也

初作輦

箋按爾雅徒御不驚輦者也郭璞曰徒輓輦車後漢陰就外戚驕貴并丹譏之曰昔桀乘人車

豈此耶又周禮鄉師之職大軍旅會同正治其徒役

與其輦輦鄭注曰輦駕馬輦人輓行司馬法曰夏后

氏謂輦曰余車殷曰胡奴車周曰輜輦夏后氏二十

人而輦殷十八人而輦周十五人而輦通典曰夏后

氏末代制
輦是也

十四年扁帥師伐岷山

附注一作山民。○箋按楚辭天問曰：桀伐蒙山，何所得焉？王逸

注曰：蒙山國名也。言夏桀征伐蒙山之國而得妹嬉也。今据竹書桀伐岷山，卽蒙山也。岷山女桀二人曰

琬曰琰，非妹嬉也。妹嬉有施氏女，非岷山也。逸注並誤。

桀命扁伐山民，山民女于桀。二人曰琬曰琰，后愛二

人女無子焉，斲其名于苕華之玉。苕是琬，華是琰。

按箋

歐陽詢藝文類聚引紀年曰：桀伐珉山。珉山，莊王女于桀。二女曰琬曰琰。今本竹書無莊王事，知遺佚多矣。

而棄其元妃于洛，曰妹喜。

箋按國語曰：昔夏桀伐有施，有施人以未喜女

焉。注有施媼姓之國。

于傾宮，飾瑤臺，居之。

箋按天問曰：妹嬉何肆湯，何殛焉？似亦以

妹嬉見棄為問又列女傳曰夏桀既棄禮義淫于婦人求四方美女積之後宮作瀾漫之樂則琬琰亦其一也又按管子地數篇曰女華者桀之所愛也曲逆者桀之所善也湯皆事之以千金女華即女琰也以刻于華曰女華又按國語曰未喜與伊尹比而亡夏樂府折楊柳行曰未喜殺龍逢桀放於鳴條甚其罪耳王弼州四部稿曰竹書紀年桀棄其元妃于洛曰妹嬉氏則妹嬉以棄而亡國非以嬖而亡國也據此則與桀奔南巢者疑為琬琰而非妹嬉也淮南子曰湯放桀于歷山與妹喜同舟浮江奔南巢之山未足也

十五年商侯履遷于亳

附注成湯元年○箋按孔甲九年殷侯復歸于商王至此又自

商王而遷亳湯居亳與葛為鄰者也

十七年商使伊尹來朝

箋按孫子兵書云伊尹名摯呂氏春秋本味篇有洗氏女子採

桑得嬰兒于空桑之中獻之其君其君令焯人養之
長而賢湯聞伊尹使人請之有佚氏有佚氏不可湯
於是請取妻為婚有佚氏喜甚以伊尹為媵送女湯
得伊尹祓之于廟明日朝而見之說湯以至味高誘
曰焯猶庖也一統志空桑城在陳留縣南
一十五里帝王世紀云伊尹生于空桑

二十年伊尹歸于商及汝鳩汝方會于北門

箋按書敘曰伊尹去

亳適夏既醜有夏復歸于亳入自北門乃遇汝鳩汝
方孔傳曰鳩方二人湯賢臣又焦氏筆乘曰媵說文
送也史載湯堵有莘以伊尹為媵送女故稱有莘媵
臣楚辭魚鱗兮媵予爾雅亦云媵將送也然則世
以媵臣為賤者非也蓋彼有迎此有送春秋如齊逆
女者迎也此以伊尹為媵者送也胡傳引公羊三國
來媵以為媵妾者非也若以為媵妾魚鱗兮媵予
亦可為妾乎後漢書馮衍顯志賦曰昔伊尹之干湯
兮七十說而乃信太子賢注曰伊摯負鼎俎以干湯
七十說而乃信謂年七十說湯乃得信也信音申

二十一年商師征有洛克之

箋按周左史戎夫記曰昔有洛氏宮室無常池圍廣

大工巧日進民不得休農失其時
饑饉無食成湯伐之有洛以亡

遂征荆荆降

箋按商頌曰維汝荆楚居國南鄉在昔成湯自彼氏羗莫敢不來享莫敢不來王是

也

二十二年商侯履來朝命囚履于夏臺

箋按夏本紀桀乃召湯而囚之

夏臺索隱曰獄名夏曰夏臺皇甫謐曰地在陽翟是也太公金匱曰桀怒湯以諛臣趙梁計召而囚之鈞

臺置之重泉杜預左傳注河南陽翟有鈞臺陂一統志夏臺在河南鞏縣西南即夏桀囚湯處是重泉亦

即夏臺之士室也楚辭天問曰湯出重泉夫何辜尤不勝心伐帝誰使挑之朱子集注曰重泉地名在左

馮翊史記所謂夏臺也然漢馮翊重泉縣今在西安府華州蒲城縣東南四十五里秦本紀簡公六年塹

洛城重泉者也安得一之洪興祖
楚辭補注亦以為馮翊重泉皆誤

二十三年釋商侯履諸侯遂賓于商

箋按帝王世紀曰夏桀無道臯諫者

湯使人哭之桀囚湯使于夏臺而後釋之諸侯由是咸叛桀附湯同日供職者五百國三年而天下咸服

二十六年商滅温

箋按括地志故温城在懷州温縣西三十里

二十八年昆吾氏伐商

箋按郡國志東郡濮陽古昆吾國鄭語史伯曰已姓昆吾則商

滅之是也前漢書古今人表有昆吾師古曰妣姓國也帝王世紀曰河東安邑縣有昆吾亭疑此伐商者

乃妣姓之昆吾與桀同姓故因為桀而伐商非必定是濮陽之昆吾也

商會諸侯于景亳

箋按昭四年傳椒舉曰商湯有景亳之命郡國志梁國蒙縣劉昭注引帝

王世紀曰有北亳即景亳湯所盟處又按有景山故名景亳

遂征韋商師取韋

箋按郡國志東郡白馬縣有韋鄉鄭語史伯曰彭姓豕韋則商滅之又按

古今人表有劉姓豕韋

遂征顧

箋按古今人表有鼓師古曰即顧國也史記索隱曰郡國志顧在東郡廩丘縣北今日顧城春

秋哀二十一年公及齊侯盟于顧即城也

太史令終古出奔商

箋按姓氏譜紂行亂政三旬不朝終古執圖法泣諫不聽先奔于商

三年而桀乃亡淮南汜論訓夫夏之將亡太史令終古即奔商

二十九年商師取顧

箋按詩韋顧既伐是湯先取韋後取顧也

三日竝出

箋按三當作二孝經緯曰夏時兩日竝出讖曰桀無道兩日照荊州古曰兩日以上出天

下有災夏以兩日亡京氏曰兩日竝出天下爭王

費伯昌出奔商

箋按夏后啟二年費侯伯益出就國此費伯益其後也王充論衡曰桀無道兩

日竝照在東者將起在西者將滅費昌問馮夷曰何者為殷何者為夏馮夷曰西夏也東殷也於是費昌

徙族歸殷

冬十月鑿山穿陵以通于河

箋按通志曰桀鑿山穿陵以通于河諫者曰洩天氣

發地藏天子失道後必有敗桀殺之者老或諫桀又殺之

三十年瞿山崩

箋按通志曰瞿山崩為大澤水深九尺山覆于谷下反在上

殺其大夫關龍逢

箋按通志曰桀有暴臣于辛陵轅諸侯諛臣左師曹觸龍讒賊忠良關龍

逢引黃圖以諫曰古之人君愛民節用享國之日長今君用財若無窮殺人若弗勝亡無日矣立而不去

桀曰子又妖言矣於是焚黃圖殺龍逢

商師征昆吾

箋按桀二十八年昆吾伐商商既征韋又征顧至是遂征昆吾

冬聆隧災

箋按聆當作聆音琴周語內史過曰商之亡也回祿信于聆隧韋昭曰回祿火神再宿曰

信

三十一年商自陟征夏邑

箋按書敘曰伊尹相湯伐桀升自陟遂與戰于鳴條之野

作湯誓孔傳曰夏都安邑湯升道

從陟出其不意陟在河曲之南

克昆吾

箋按昭十八年傳二月乙卯周毛得殺毛伯過

日言昆吾以

乙卯日亡也

大雷雨戰于鳴條

箋按括地志高涯原在蒲州安邑縣北三十里南阪口即古鳴條陌也鳴

條戰地在安邑西皇甫謐按伊訓曰造攻自鳴條朕哉自毫今安邑見有鳴條陌昆吾亭左氏以為昆吾

同以乙卯日亡韋顧亦爾故詩曰韋顧既伐昆吾夏
桀於左氏昆吾在衛乃在濮陽不得與桀異處同日
而亡明昆吾亦來安邑欲以衛桀故同日亡而安邑
有其亭也今據古今人表有妣姓昆吾或在鳴條則
昆吾以乙卯亡未必
卽濮陽之昆吾也

夏師敗績

箋按秦本紀若木元孫費昌當夏桀之
世去夏歸商爲湯御以敗桀于鳴條

桀出奔三朧

箋按郡國志濟陰
定陶縣有三朧亭

商師征三朧

箋按書敘曰湯伐三朧俘厥寶玉誼伯
仲伯作典寶孔傳曰二臣作典寶一篇

戰于郟

箋按呂氏春秋簡選篇殷湯良車七十乘必死
六千人以戊子戰于郟遂禽移大犧誘注曰桀

多力能推大犧因以爲號而禽克之又按郡國志
濟陰成縣本國左傳杜預注東平剛父縣有郟鄉

獲桀于焦門

箋按淮南主術訓桀之力制脩伸鉤索鐵
歛金然湯革車三百乘困之鳴條擒之焦

門高誘曰焦或作巢一統志巢湖在巢縣西十五里
一名焦湖周圍四百餘里据此則焦門當即是巢門
也

放之于南巢

箋按周書殷祝解湯將放桀于中野士民
聞湯在野皆委貨扶老攜幼奔國中虛桀

與其屬五百人南徙千里止于不齊民往奔湯于中
野桀與其屬五百人徙于魯魯士民復奔湯桀與五
百人去居孔晁注不齊魯地名居南巢之地名地理
志居巢縣屬廬江通鑑注廬江六縣有居巢城桀奔
此因以放之隋煬帝大業十年二月詔曰黃帝五十
二戰成湯二十七征方乃德施諸侯令行天下帝王
世紀曰成湯凡二十
七征而德施于諸侯

自禹至桀十七世有王與無王用歲四百七十一年

起壬子終壬戌○箋按帝王世紀自禹至桀并數有
窮凡十九王合四百三十二年世史始禹甲戌終桀

甲午共四百四十一年葉史始禹丙子終桀甲子共
四百三十九年今据竹書羿浞不在王數凡十有七
王用歲四百
七十七年

竹書統箋卷之四

總校王詒壽分校

汪學瀚校
吳承志校

中書系名目

中書系名目

中書系名目

中書系名目

中書系名目

中書系名目

中書系名目

中書系名目

中書系名目

中書系名目

竹書紀年注箋卷之五

梁 武康沈 約休文附注

清 當塗徐文靖位山統箋

馬 陽葵齋

同里

崔萬烜郁岑

校訂

殷商成湯

箋按詩商頌譜曰商者契所封之地國語元王勤商十四世而興是其始稱商也竹書盤

庚自奄遷于北蒙曰殷元鳥云殷受命咸宜是其兼稱殷也大明云殷商之旅蕩云咨女殷商是又總稱為殷商也詩補傳曰殷以澗水得名古澗水縣今陳州之商水縣也殷商兼商山澗水言之鄭氏通志曰澗水出陽城東至西華汝陽入于潁與潁水合流古人并謂潁為殷故命以殷焉

名履

湯有七名而九征

箋按湯名帝乙見易緯名天乙見世本名履見魯論名祖乙見白虎

通曰成湯曰武王見詩是七名也湯始征葛次征荆

征温次征韋征顧次征昆吾征夏邑征三膠戰于郟

獲桀焦門

是九征也放桀于南巢而還諸侯八譯而來者千八

百國

箋按仲虺之誥曰表正萬邦纘禹舊服國策顏

千三奇肱氏以車至乃同尊天乙履為天子三讓遂即

天子之位

箋按河圖括地象曰奇肱氏能為飛車從風遠行博物志曰湯時西風吹其車至豫

州湯破其車不以示民十年東風至乃復作車遣返而其國去玉門關四萬里初高辛氏之

世妃曰簡狄以春分元鳥至之日從帝祀郊禘與其

妹浴于元邛之水

箋按一統志晉丘在開封府祥符縣界內一名清丘又名立池昔原

簡狄浴于管丘之水有立鳥遺卵吞之遂生契

有元鳥銜卵而墜之五色甚

好二人競取覆以玉筐

箋按淮南子曰有娥在不周之北長女簡翟少女建疵

簡狄先得而吞之遂孕胸剖而生契

箋按白虎通曰殷姓子氏祖以

立鳥子也

長為堯司徒成功于民受封于商

箋按皇甫謐闕駟並以爲

上洛商縣

後十三世生主癸主癸之妃曰扶都見白氣貫

月意感以乙日生湯號天乙豐下銳上哲而有髯

箋按

晏子春秋曰湯長頭而髯鬢

句身而揚聲

箋按句身帝王世紀作倨身

長九尺

臂有四肘是為成湯

箋按禮別名記曰湯臂四肘是謂神翼攘去不義萬民蕃息

湯在亳能修其德伊摯將應湯命夢乘舟過日月之

旁箋按孫子兵書曰伊尹名摯庾信銘乘舟相日又詠懷詩乘舟能上月皆用此也湯乃東

至于洛觀帝堯之壇沉璧退立黃魚雙踴黑鳥隨之

止于壇化為黑玉箋按魚豢典略曰湯東觀洛沉璧黃魚雙躍出于壇帝王世紀曰湯

沉璧于洛獲黃魚黑玉之瑞又有黑龜並赤文成字言夏桀無道

湯當代之箋按沈約宋書曰玄龜洛書者天符也王者德至川泉則洛出龜書禱杙之

神見于邳山箋按周語曰商之興也禱杙次于邳山有神牽白狼銜鈞

而入商朝箋按尚書璇璣鏡鈴曰湯受金符帝錄白狼銜鈞入殷朝金德將盛銀

自山溢箋按漢書郊祀志殷得金德銀自山溢湯將奉天命放桀夢及

天而舐之遂有天下商人後改天下之號曰殷箋按

書符瑞志作湯後漢鄧后紀后嘗夢捫天蕩蕩正青

若有鐘乳狀乃仰嗽飲之以訊占夢占夢言堯夢攀

十八年癸亥王卽位箋按沈約注帝癸十五年成湯始

湯放之南巢明年湯始代夏為天子從湯為諸侯元

年計之十八年也竹書起堯元年丙子至湯十八年

居亳

謂由堯舜至湯五百有餘歲也 箋按書敘曰湯既黜夏命復歸于亳作湯誥又周

再拜從諸侯之位湯曰此天子位有道者可以處之

者理之惟有道者宜久處之湯以此讓三千諸侯莫

所謂湯居亳與葛為鄰後漢郡國志梁國穀熟縣有南亳寧陵縣有葛鄉者也皇甫謐曰孟子稱葛伯不祀湯使亳眾為之耕若湯居偃師去寧陵八百餘里豈當使民往為之耕乎竹書湯即位居亳蓋南亳也程史曰昔湯之元祀歲星順行與日合於房房宋亳分也則亦以湯代夏之元祀所居為宋亳而非偃師之亳矣書敘曰自契至于成湯八遷從先王居作帝告沃鬴此則從克夏歸亳之後復遷于偃師之亳為帝嚳舊居故曰從先王居也孔氏疏曰序所言帝告不知告誰正未審帝告之告當讀為嚳古作倭告即嚳從倭省也帝告沃鬴者以其因帝倭舊居沃土來遷鬴亦來也若湯時代夏稱王何由稱帝告乎史記殷本紀湯始居亳從先王居作帝誥誥乃倭字之訛傳寫者誤耳孔傳以為作誥告先王則已誤矣

始屋夏社

疑至臣扈孔疏曰湯勝夏欲遷其社不可作夏社

子曰亡國之社遷之禮也湯存之以為後戒故湯既勝夏欲遷其社不可春秋書亳社災皆自湯之不遷

始也又按殷時立四輔有疑承輔弼疑至之疑殆官名也

十九年大旱

氏羗來貢 箋按商頌曰昔有成湯自彼氏羗莫敢不來享莫敢不來王是其事也

二十年大旱

夏桀卒于亭山禁弦歌舞 箋按輿地志曰巢縣卧牛山後有桀王城晉書地理志注

云桀死于是未詳今据竹書桀卒于亭山是即巢縣之卧牛山矣

二十一年大旱鑄金幣

箋按管子曰湯七年旱民之無

而贖民之無檀賣子者漢書食貨志注師古曰凡言幣者所以通貨物易有無也故金之與錢皆名為幣也若然則湯之鑄金幣者蓋鑄金以為幣也橫渠理窟曰幣金玉齒革布泉之雜名是也其後齊桓公令

左司馬伯公將白徒鑄錢于莊山蓋又法湯而為之

二十二年大旱

箋按漢公孫弘傳武帝元光五年復徵賢良文學上策詔諸儒制曰禹湯水旱

厥咎何由引對曰臣聞堯遭鴻水使禹治之未聞禹之有水也若湯之旱則桀之餘烈也桀紂行惡受天之罪禹湯積德以王天下由此觀之天德無私親順之和起逆之害生此天文地理人事之紀

二十三年大旱

箋按莊子書公孫龍曰湯之時八年七旱墨子曰禹七年水湯五年旱汜勝之

書曰湯有旱災伊尹為區區田後漢劉般傳有區種法言區土壅禾根也區與漚同

二十四年大旱王禱于桑林雨

箋按尸子曰湯之救旱也素車白馬布衣身嬰

白茅以身為牲殷本紀曰湯既放桀後大旱七年以身禱于桑林之野祝曰無以余一人之不敏傷民之命以六事自責曰政不節與民失職與宮室崇與女謁盛與苞苴行與讒夫昌與言未已大雨方數千里

又按左傳昭二十一年宋城舊墉及桑林之門淮南
修武訓湯禱于桑山之林國策張儀說韓王曰秦東
取成皋宜陽則鴻臺之宮桑林之苑非王之有矣呂
氏春秋湯禱于桑林之社而雨大至又曰立湯後于
宋以奉
桑林

二十五年作大濩樂

箋按呂氏春秋曰殷湯即位命伊尹作為大濩歌晨露修九招六列

孔氏曰晨露九招六列蓋大濩之別曲名也左傳襄
十年宋公享晉侯于楚丘請以桑林杜注桑林殷天
子之樂名是大濩因桑林之禱而作也熊
氏曰濩護也言湯之寬仁能救濩生民也

初巡狩

箋按鄭志答孫皓曰唐虞之禮五載一巡守夏
殷之時天子蓋六年一巡守今湯以連年大旱

故七年初
巡狩也

定獻令

箋按周書曰伊尹朝獻商書湯問伊尹曰諸侯
來獻或無馬牛之所生而獻遠方之物事實相

反不利今吾欲因其地勢之所有獻之必易得而不
 貴其為四方獻令伊尹受命於是為四方令曰正東
 符婁仇州伊慮漚深九夷十蠻越漚鬣髮文身請令
 以魚支之鞞烏鰓之醬鮫蔽利劍為獻正南甌鄧桂
 國損子產里百濮九菌請令以珠璣瑋象齒文犀
 翠羽菌鶴短狗為獻正西崑崙狗國鬼親枳已闕耳
 貫胸雕題離正漆齒請令以丹青白旆紕蜀江歷龍
 角神龜為獻正北空同大夏莎車姑他旦略貌胡戎
 翟匈奴樓煩月氏嬖犁共龍東胡請令以橐
 駝白玉野馬駒駼馱騏良弓為獻湯曰善

二十七年遷九鼎于商邑

箋按墨子曰昔夏后使飛廉
 析金于荆山鑄鼎于昆吾使

翁難雉乙灼白若之龜龜曰鼎成四足而方不炊自
 亨不舉自藏不遷自行乙又言兆之絲曰饗矣逢逢
 白雲一南一北一西一東九鼎既成遷于三國通鑑
 會編曰夏后禹四歲鑄九鼎說文曰禹鑄九鼎荆山
 之下在馮翊懷德縣南王子年拾遺記曰禹鑄九鼎
 五者以應陽法四者以象陰數使工師以雌金為陰

鼎以雄金為陽鼎鼎中常滿以占氣象之休否又張
華博物志曰著一千歲而三百莖明夷曰昔夏后莖
乘龍而登于天而枚占史華陶陶曰吉昔啟莖徙九
鼎啟果徙之則是夏后啟時已有遷鼎之事矣左傳
宣三年楚子問鼎王孫滿曰桀有昏德鼎遷于商漢
書郊祀志禹收九牧之金鑄九鼎象九州夏德衰鼎
遷于殷帝王世紀曰湯即天子位遂遷九鼎于亳至
大坳而有慚德是湯遷鼎之事也詩商邑翼翼集傳
商邑王
都也

二十九年陟

箋按書營于桐宮密邇先王孔安國曰桐
湯葬地杜預曰蒙縣西北有亳城中有湯

冢皇覽曰湯冢在濟陰亳縣北東郭去州三里漢劉
向傳殷湯無葬處師古曰謂不見傳記也蓋是時孔

傳未出故向
亦不知也

外丙

箋按殷本紀湯崩太子太丁未立
而卒于是乃立太丁之弟外丙

名勝

元年己亥卽位居亳命卿士伊尹

箋按己亥誤當是乙亥湯十八年爲癸亥

二十九年爲甲戌則外丙元乙亥

二年陟

仲壬

箋按殷本紀外丙卽位三年崩立外丙之弟仲壬竹書二年陟與孟子同史云三誤

名庸

元年丁丑王卽位居亳命卿士伊尹

箋按商彝器有丙寅卣銘曰丙寅王

錫博古錄曰商建國始于庚戌歷十七年而有丙寅正在仲壬卽位之二年今據竹書仲壬二年乃戊寅

非丙寅也

四年陟

箋按趙岐注孟子外丙立二年仲壬立四年與竹書合邵子經世史不載二王之名程子伊川

以古人謂歲為年外丙方二歲仲壬方四歲張氏經世紀年謂邵子以數推知去外丙仲壬之年乃合於尚書成湯既沒太甲元年之說唐孔氏正義謂班固不見古文謬從史記而張衡通載乃云以紀年推之外丙仲壬合於歲次尚書缺略而正義之說謬

太甲

箋按殷本紀帝仲壬即位四年崩伊尹迺立太丁之子太甲太甲成湯嫡長孫也

名至

元年辛巳王即位居亳命卿士伊尹

箋按書敘曰成湯既沒太甲元年伊

尹作伊訓肆命徂后書曰惟元祀二月乙丑伊尹祀于先王奉嗣王祇見厥祖伊尹乃明言烈祖之成德以訓于王是也史記正義曰湯即位都南亳後徙西亳書三亳阪尹偃師為西亳蒙為北亳即景亳穀熟

爲南亳也括地志亳故城在偃師縣西十四里又唐志大衍歷推太甲二年壬午歲冬至應在女六度今據竹書太甲元年辛巳則二年爲壬午不爽也

伊尹放太甲于桐乃自立

箋按書太甲上曰惟嗣王不

弗順營于桐宮密邇先王其訓無俾世迷王徂桐宮

居憂蔡仲默引吳氏曰太甲既卽位于仲壬之柩前

方居憂于仲壬之殯側是也殷本紀帝太甲既立三

年不明暴虐不遵湯法亂德於是伊尹放之于桐宮

三年伊尹攝行政當國以朝諸侯孔傳曰桐湯葬地

鄭氏曰有王離宮焉大康地記尸鄉南有亳坂東

有桐城太甲所放處也正義曰尸鄉在偃師西南五

里通鑑太甲卽位不明厥德顛覆湯之典型伊尹放

之于桐宮注曰桐湯墓所在平陽府曲沃縣西南有

桐鄉城世傳伊尹放太甲于桐卽此按是時太甲居

亳在河南偃師豈有遠之曲

沃之理自當從太康記也

沃之理自當從太康記也

沃之理自當從太康記也

沃之理自當從太康記也

附注約按伊尹自立蓋誤以攝政為真爾箋按陳氏越石曰臣之忠

有幸而忠者也君之立有幸而立者也殷之君臣皆幸而成者噫泥泥接踵羿比肩君可放乎哉其後新取于西魏取于東司馬之有天下其始也未嘗不伊不周其後也未嘗不羿不泥皆取伊尹以為嚆矢也孟子曰無伊尹之志則篡也有旨哉

七年王潛出自桐殺伊尹

箋按文選陸士衡豪士賦注引紀年太甲潛出自桐殺伊

尹考竹書紀年事與經史扶同獨太甲潛出自桐殺伊尹一事敢立異議不顧事之有無者彼見夫三晉處晉君于端氏田和遷康公于海上往往托伊尹放太甲之美名明示其可以潛為之謀而殺之故設為太甲殺伊尹之說所以寒奸臣之胆而壯衰君之氣也如春秋外傳褒姒與伊尹比而亡夏妲己與膠鬲比而亡周豈必實有是事哉

天大霧三日乃立其子伊陟伊奮命復其父之田宅而

中分之

箋按書敘曰太甲既立不明伊尹放諸桐三年後歸于亳思庸伊尹作太甲三篇夫豈有七年

而仍在桐者此疑為後人所羈入也爾雅地氣發天不應曰霧霧謂之晦郭注言晦冥邢昺曰霧又名晦

春秋僖十五年己卯晦震夷伯之廟公羊穀梁皆云晦莫也

附注約按此文與前後不類蓋後世所益

十年大饗于太廟

箋按月令季秋大饗帝注以徧祭為大饗是也書咸有一德伊尹曰七世

之廟可以觀德孔傳曰天子立七廟有德之王則為

祖宗其廟不毀故可觀德禮王制天子七廟三昭三

穆與太祖之廟而七鄭注曰此周制七者太祖及文

王武王二祧與親廟四殷則六廟契及湯與二昭二

穆夏則五廟無太祖禹與二昭二穆而已孔疏曰夏

由不見古文故為此謬說此篇乃商書已云七世之

廟則天子立七廟王者常禮非獨周人始有七廟也
今天子大饗太廟蓋合羣廟之主于太祖之廟而徧
祭之故曰大饗也又按商頌詩序曰長發大禘也王
肅以大禘為殷祭謂禘祭宗廟非祭天也則此所云
大饗者其即商
頌之大禘乎

初祀方明

箋按漢律歷志伊訓篇曰惟太甲元年十有二月乙丑朔伊尹祀于先王誕資有牧方明

雖有成湯太丁外丙之服以冬至越弗祀先王于方
明以配上帝是朔旦冬至之歲也孟康曰方明者神
明之象也以木為之方四尺畫六采東青西白南赤
北黑上玄下黃今據竹書太甲十年初祀方明則漢
志云元年
者誤也

十二年陟

箋按郡國志濟陰歷城縣皇覽曰太甲有冢在歷山上

沃丁

箋按殷本紀帝太甲稱
太宗崩子沃丁立

名絢

元年癸巳王卽位居亳命卿士咎單

箋按書敘曰咎單作明居孔傳曰咎

單臣名主土地之官作明居民法一篇馬融曰咎單爲湯司空是歷仕四世至沃丁命爲卿士與尹爲左

也右

八年祠保衡

箋按書君奭篇公曰在太甲時則有若保衡說命曰昔先正保衡作我先王佑我烈

祖鄭氏曰此三公之官當時爲之號也闕駟曰殷帝沃丁之時伊尹卒葬于亳皇甫謐曰伊尹爲湯相號

阿衡沃丁八年伊尹卒卒年百有餘歲大霧三日沃丁葬之以天子禮書敘曰沃丁旣葬伊尹于亳咎單

遂訓伊尹事作沃丁

十九年陟

小庚

附注史記作太庚。箋按殷本紀沃丁崩弟太庚立。

名辨

元年壬子王卽位居亳

箋按小庚小甲雍巳元年卽位皆不言命卿士者並咎單爲相

也

五年陟

小甲

箋按殷本紀帝太庚崩子小甲立徐廣曰世表云帝小甲太庚弟也

名高

元年丁巳王卽位居亳

十七年陟

雍已箋按殷本紀帝小甲崩弟雍已立

名佃箋按佃一本作佃

元年甲戌王卽位居亳箋按史記曰雍已之時殷道衰諸侯或不至

十二年陟

太戊箋按殷本紀帝雍已崩弟太戊立据孔氏書傳太戊沃丁弟之子陸氏釋文曰太戊馬云太甲子蓋

太庚爲沃丁弟而釋文引馬融所云太甲子甲誤當作庚

名密

元年丙戌王卽位居亳命卿士伊陟臣扈箋按書敘曰太戊贊于伊

陟作伊陟原命周書君奭曰在太戊時則有若伊陟臣扈是也孔傳伊陟伊尹子伊陟原命二篇皆亡今

据竹書伊陟始見于太甲七年
至此凡六十二年命為卿士

七年有桑穀生于朝

箋按書敘曰亳有祥桑穀其生于朝伊陟贊于巫咸作咸又四篇孔

傳曰二木合生七日大拱贊告也巫咸臣名皆亡又

按小雅鶴鳴篇爰有樹檀其下維穀朱注穀一名楮

惡木也焦氏筆乘曰史記桑穀其生穀樹名皮可為

紙穀从木音構穀从禾音谷穀从米音叨今多混

十一年命巫咸禱于山川

箋按離騷經巫咸將夕降兮王逸注巫咸古神巫也當殷

中宗之世史記封禪書太戊修德桑穀死伊陟贊巫

咸巫咸之興自此始索隱曰太史公以巫咸接神事

太戊使咸禳祥桑之災所以謂巫咸之興自此始也

今按尚書孔氏傳以巫咸為巫氏書明言巫咸又王

家其非巫覡可知莊子天運篇巫咸詔曰天有六極

五常注巫咸殷相詔名越絕書曰虞山者巫咸所出

也去縣

百五里

二十六年西戎來賓

箋按西戎西方之戎禹貢西戎節敘是也殷本紀曰帝雍已立殷道

衰諸侯或不至弟太戊立伊陟為相殷復興諸侯歸之今西戎來賓諸侯可知又按漢書匈奴傳隴西有

蘇諸畎戎狄獠之戎岐梁涇漆之北有義渠大荔烏氏胸衍之戎而晉北有林胡樓煩之戎燕北有東胡

山戎各分散谿谷自有君長往往而聚者百有餘戎

王使王孟聘西戎

箋按山海經丈夫國在維鳥北其為人衣冠帶劍郭璞曰殷帝太戊使王

孟採藥從西王母至此絕糧不能進食木實衣木皮終身無妻而生二子圖贊曰丈夫之國王孟是始即

此聘西戎事也

三十年命費侯仲衍為車正

箋按秦本紀女華生大費是為栢翳舜賜姓嬴氏大

費生子二人一曰大廉二曰若木大廉元孫曰中衍鳥身人言帝太戊聞而卜之使御吉遂致使御而妻

之又按定元年傳奚仲居薛以爲夏車正
杜注爲夏掌車服大夫則車正自夏始也

三十五年作寅車

箋按詩小雅六月疏曰夏后氏曰鈞車殷曰寅車周曰元戎司馬法文也

是寅車始

大戊也

四十六年大有年

箋按春秋宣十六年大有年左氏公羊皆無傳

五十八年城蒲姑

箋按郡國志下邳取慮縣有蒲姑陂左傳昭十六年齊師至蒲隧杜預曰

縣東有

蒲姑陂

六十一年東九夷來賓

箋按後漢東夷傳注王制云東方曰夷夷有九種曰畎夷于夷

方夷黃夷白夷赤

夷元夷風夷陽夷

七十五年陟

箋按周書無逸曰昔在股王中宗嚴恭寅畏天命自度治民祇懼不敢荒寧肆中宗

之享國七十有五年孔傳曰太
戊也殷家中世尊其德故稱宗

太戊遇祥桑側身脩行三年之後遠方慕明德重譯

而至者七十六國商道復興廟為中宗

附注竹書作
太宗○箋按

商頌詩序曰烈祖祀中宗也鄭箋曰中宗商王大戊
史記曰殷道衰諸侯或不至帝太戊伊陟相殷復興
諸侯歸之
故稱中宗

仲丁

箋按殷本紀中宗崩子帝仲丁立仲丁書
闕不具書敘曰仲丁遷于囂作仲丁今亡

名莊

元年辛丑王即位自亳遷于囂于河上

箋按殷本紀仲
丁遷于囂索隱

曰囂亦作囂水經注濟水東逕敖山北詩所謂薄狩
于敖者也其山上有城即殷帝仲丁之所遷也括地

志滎陽故城在鄭州滎澤縣西南十七里殷時傲地也一統志敖山在鄭州河陰縣西北二十里秦時敖氏築倉其上因以名山非矣

六年征藍夷

箋按後漢東夷傳桀為暴虐諸夷內侵殷湯革命而定之至于仲丁藍夷作寇太子

賢曰仲丁殷太戊之子也竹書紀年仲丁即位征于藍夷也

九年陟

外壬

箋按殷本紀帝仲丁崩弟外壬立

名發

元年庚戌王即位居囂

邳人姓人叛

箋按昭元年傳趙孟曰虞有三苗夏有觀扈商有姓邳周有徐奄杜注姓邳二國商

諸侯邳下邳縣括地志古
仇城在陳留縣東五里

十年陟

河亶甲

箋按殷本紀帝外王崩弟河
亶甲立河亶甲時殷復衰

名整

元年庚申王即位自囂遷于相

箋按書敘曰河亶甲居
相作河亶甲孔傳曰相

地名在河北括地志故殷城在相州內黃縣東南十
三里即河亶甲所築都之故名殷城也王伯厚地理
通釋曰河亶甲居相在河北相州安陽本盤庚所都
即北冢殷墟南去朝歌城百四十六里竹書紀年盤
庚自奄遷于北冢曰殷墟南去鄴四十里此皆全抄
史記正義注誤也史記漢高祖紀項羽王趙將司馬
卬為殷王都朝歌正義曰以商帝盤庚國殷中之地
改商為殷在相州安陽縣即北冢殷墟南去朝歌百

三十六里故號殷王殊不知書敘以河亶甲居相祖乙始目相遷耿故世以朝歌北為殷墟若盤庚所徙

改商為殷在梁國蒙縣殷有三亳蒙為北亳曰北蒙非北冢也正義說謬而通釋据之非也

三年彭伯克邳箋按鄭語史伯曰大彭豕韋為商伯矣

城是也時大彭為商伯故稱彭伯也

四年征藍夷箋按藍夷即前仲丁所征者至是復叛故

亦有藍鄉南郡編縣有藍口聚不知誰是其地也

五年侁人入于班方彭伯韋伯伐班方侁人來賓箋按外王

元年邳侁同時而叛越十有三年彭伯克邳則侁人勢孤而入于班方彭伯韋伯共伐之韋昭曰豕韋彭

姓之別封二國相繼為商伯漢韋賢傳以詩諫楚王戊曰肅肅我祖國自豕韋彤弓斯征撫寧遐荒總齊

羣邦以翼大商迭彼大彭勳績維光
當卽謂彭伯韋伯同伐班方時事也

九年陟

箋按商彝器有足跡壘薛尚功曰此器在洹水
之濱亶甲墓旁得之銘作亞形中有左足跡是

陟河亶甲之
陟葬此也

祖乙

箋按殷本紀河亶甲崩帝祖乙立商彝器有
祖乙卣薛用敏曰祖乙者河亶甲之子也

名滕

元年己巳王卽位自相遷于耿

箋按閔元年傳晉滅耿
杜注平陽皮氏縣東南

有耿鄉水經注汾水西逕耿鄉城北書敘曰盤庚遷
于耿也尚書祖乙遷耿酈注云盤庚遷耿誤也通鑑

注耿古耿國在蒲州
城東北今河津縣是

命彭伯韋伯

箋按韋昭曰二國相繼爲商伯今据竹書
祖乙元年命彭伯韋伯則是同時爲二伯

如周召之分陝也

二年圮于耿自耿遷于庇

箋按書敘曰祖乙圮于耿作祖乙孔疏曰祖乙居耿今為

水所毀更遷他處故言毀于耿耳又尚書盤庚云不常厥邑于今五遷及其數之惟有亳囂相耿四處而

已史記祖乙遷于邢皇極經世祖乙圮于耿徙居邢今据竹書祖乙又自耿遷庇則是盤庚前五遷祖乙

自兩遷也邢與庇當是一地帝王世紀紂自朝歌北築沙丘臺沙丘在鉅鹿東北七十里括地志在邢州

平鄉東北二十里則史記謂祖乙遷邢者當即為竹書所云遷庇者也蓋是時宋有邢國邢自周公子靖

淵始封商時謂之庇也

三年命卿士巫賢

箋按書君奭篇周公曰在祖乙時則有若巫賢孔傳曰賢巫咸子巫氏殷

本紀云帝祖乙時殷復興巫咸任職咸誤當作賢

八年城庇

箋按祖乙時數被河患遷庇八年始城之書疏曰鄭玄云祖乙居耿後奢侈踰禮土地迫

近山川嘗圯焉今据竹書祖乙二年便自耿遷庇八年城庇當是居庇後奢侈踰禮時汲冢古文未出故

鄭亦不知也

知也

十五年命邠侯高圉

箋按世紀曰周后稷始封邠今扶風蘘是也及公劉徙邠于豳詩稱

于豳斯館今新平漆之東有豳亭是也郡縣志古豳

城在邠州三水縣西三十里公劉始都之處地理志

右扶風枸邑有豳鄉詩豳國公劉所都枸邑故城在

三水縣東北二十五里周本紀不畜失官而犇戎狄

之間卒子鞠立卒子公劉立公劉復修後稷之業自

漆沮度渭故詩人歌之公劉卒子慶節立國于豳自

是而後歷皇僕差弗毀隄公非皆國于豳殷王祖乙

錫高圉命為邠侯魯語展禽曰高圉太王能率稷者

也周人報焉韋昭曰高圉后稷後十世公非之子也

据漢書古今人表高圉辟方子夷族高圉子則史記

實多遺缺而韋注仍未考也又按鬻子曰湯得慶誦伊尹皇里且東門虛南門蠕西門疵北門側七大夫人表有慶節公劉子湯時人或曰卽誦計后稷長于堯堯在位百年舜五十年夏自禹爲天子至桀亡夏歷四百四十一年共五百九十一年而謂公劉爲后稷曾孫止四五代可乎昔所謂周十五王不過如漢七制唐三宗之說而以爲世數止此非矣

十九年陟

祖乙之世商道復興廟爲中宗

附注曰史記與無逸皆無之○箋按周書

酒誥曰自成湯咸至于帝乙成王畏相多士曰自成湯至于帝乙罔不明德恤祀當卽謂祖乙也

祖辛

箋按殷本紀祖乙崩子帝祖辛立商彝器有祖辛卣薛尚功曰祖辛沃甲之兄祖丁之父也

名旦

元年戊子王卽位居庇

十四年陟

開甲 附注史記作沃甲○箋按殷本紀帝祖辛崩弟沃甲立世本作開甲與竹書同

名踰

元年壬寅王卽位居庇 箋按祖乙二年庚午遷庇至開甲元年壬寅三十三年

五年陟

祖丁 箋按殷本紀帝沃甲崩立沃甲兄祖辛之子祖丁

名新

元年丁未王卽位居庇

九年陟

南庚

箋按殷本紀帝祖丁崩立弟沃甲之子南庚

名更

元年丙辰王卽位居庇

箋按祖乙二年遷庇至南庚二年共四十七年居庇自此以後

乃遷于奄

三年遷于奄

箋按南庚遷奄舊未有言奄地所在者郡國志魯國卽奄國昭四年傳祝鮀曰因商

奄之民命以伯禽其曰商奄者或以商嘗遷此故遂謂商奄乎

六年陟

陽甲

一名和甲○箋按殷本紀帝南庚崩立弟祖丁之子陽甲

名和

元年壬戌王卽位居奄

三年西征丹山戎

箋按山海經有始州之國有丹山郭璞注引竹書紀年曰和甲西征得一

丹山

四年陟

箋按史記帝陽甲之時殷衰自中丁以來廢適而更立諸弟子弟子或爭相代立比九世亂于

是諸侯莫朝

盤庚

箋按殷本紀帝陽甲崩弟盤庚立

名旬

元年丙寅王卽位居奄

箋按經世紀年曰盤庚元以己亥自祖乙以乙未踐位歷祖辛

沃甲祖丁南庚陽甲而後及盤庚凡七世居耿已一百二十五年今据竹書祖乙元年已巳二年圮于耿自耿遷庇歷祖辛開甲祖丁皆居庇南庚三年自庇遷奄後陽甲及盤庚皆居奄盤庚十四年自奄遷殷經世紀年以為七世居耿者非也又盤庚之立元年丙寅南軒以為己亥非

七年應侯來朝

箋按地理志潁川父城縣應鄉故國周武王弟所封臣瓚曰汲郡古文殷時已

自有應謂此也杜預注左傳謂應國在襄陽城父縣胡身之曰襄陽無城父杜誤也括地志故應城在汝

州魯山縣東三十里

十四年自奄遷于北蒙曰殷

箋按書敘曰盤庚五遷將治亳殷民咨胥怨作盤庚

三篇鄭氏曰商家自此徙而改國號曰殷殷本紀曰盤庚之時殷已都河北盤庚渡河南復居成湯之故居郡國志梁國蒙縣有北亳昭四年傳椒舉曰商湯有景亳之命括地志曰宋州北五十里大蒙城為景

亳湯所盟地因景山為名皇甫謐曰蒙為北亳即景
亳商頌陟彼景山在曹縣東南四十里蔡氏書傳
以盤庚遷殷在於偃師又以自祖乙都耿圮于河水
盤庚欲遷于殷据竹書南庚三年自庇遷奄陽甲亦
居奄至是凡二十二年盤庚又自奄遷于北蒙則非
自耿并非偃師矣其他又有譌北蒙為北冢譌北蒙
為此遂者水經注洹水又東北遷鄴縣南洹水出山
連逕殷虛北竹書紀年盤庚即位自奄遷于此遂曰
殷則是北譌為此蒙譌為遂也史記索隱曰汲郡古
文盤庚自奄遷于北冢則殷虛去鄴三十里是殷虛
南舊地號北冢則是蒙譌為冢也殊不審北蒙之亳
在梁國蒙縣書敘曰盤庚將治亳殷鄴豈有亳之名
乎種種謬誤殊屬可嘆

十五年營殷邑

箋按盤庚曰天其永我命于茲新邑即
紀年所謂營殷邑也周希聖曰商人稱

殷自盤庚始据竹書夏后帝杼十三年商侯冥死于
河帝芒三十三年商侯遷于殷帝泄十二年殷侯子

亥賓于有易世本冥往河治水子亥遷殷是商之稱殷始自夏世殷土芒芒豈謂盤庚已後乎

十九年命邠侯亞圉

箋按世本曰亞圉雲都皇甫謚曰雲都亞圉字据漢書古今人表雲

都亞圉弟則實為二人非一人名與字也仁山金氏曰堯封棄于邠世為后稷以服事虞夏及夏之衰不密失官自竄于戎翟之間不密生鞠鞠生公劉始遷于豳荒史謂稷生釐璽釐璽生叔均釐即釐古邠字也自后稷至公劉十餘世世本自公劉歷慶節皇僕差弗毀踰公非辟方高圉侯牟亞圉雲都太公祖紺諸蓋十餘世史記以不密為后稷子而又缺辟方侯牟雲都諸蓋四世遂謂后稷至文王為十五世且稷契同時受封契至湯四百餘年而十四世稷至文王十五世其亦誤矣据人表及此則以雲都為亞圉字也

二十八年陟

小辛

箋按殷本紀帝盤庚崩弟小辛立殷復衰百姓思之迺作盤庚三篇索隱曰由不見古文故也

名頌

元年甲午王卽位居殷

三年陟

小乙

箋按殷本紀帝小辛崩弟小乙立

名斂

元年丁酉王卽位居殷

六年命世子武丁居于河學于甘盤

箋按書說命王曰來汝說台小子舊

學甘盤既乃遜于荒野入宅于河無逸曰其在高宗舊勞于外爰暨小人楚語白公子張曰昔殷武丁能

聳其德以入于河自河徂亳此蓋言武丁未卽位時
出居河上就學于甘盤既乃自河而往于亳殷爲天
子也韋昭謂武丁遷于河內從河內往亳都蓋非
也當是時武丁尙爲世子何得自遷於河內乎

十年陟

竹書統箋卷之五

總校王詒壽分校

汪學瀚
吳承志校

清江先生文集

卷之五

序

清江先生文集

卷之五

序

序

也。當是初。先王時。而。...

乎。少。事。邪。...

也。其。...

也。其。...

竹書紀年注箋卷之六

梁 武康沉 約休文附注

清 當塗徐文靖位山統箋

同里 馬 陽葵齋 校訂

崔萬烜郁岑

武丁 箋按殷本紀帝小乙崩子帝武丁立

名昭

元年丁未王卽位居殷命卿士甘盤 箋按書君奭篇周公曰在武丁時則

有若甘盤漢書古今人表有甘盤師古曰武丁師也

三年夢求傳說得之

箋按書敘曰高宗夢得說使百工營求諸野得諸傅巖作說命三篇

孔傳曰傅氏之巖在虞虢之界通道所經有澗水壤

道常使胥靡刑人築護此道說賢而隱代胥靡築之

以供食王子年拾遺記曰傳說賃為頽衣者春於深

巖以自給夢乘雲繞日而行筮得利建侯之卦歲餘

以玉帛聘為阿衡括地志傳說版築之處在今陝州

河北縣北七里即虞虢之界水經注沙澗水北虞山

南經傳巖傳說隱室前俗名聖人窟或問高宗之于

傅說文王之于太公知之熟矣恐民之未信也故假

之夢卜以重其事程子曰

然則是偽也聖人無偽

六年命卿士傳說視學養老

箋按墨子曰傳說被褐帶索庸築傅巖武丁得之舉

以為三公禮記明堂位曰瞽宗殷學也王制曰凡養

老般人以食禮又曰般人養國老于右學養庶老于

左學又曰般人縞衣而養老文王世子曰大合樂必

遂養老鄭氏注曰大合樂謂春入學舍菜合舞秋頒

學合聲於是時也天子則視學焉孔氏疏日月令季春大合樂天子親往明天子亦親視學也又孔氏王制疏曰養老必在學者以學教孝弟之處故于中養老李氏曰養老之禮五十養于鄉六十養于國七十養于學虞夏殷周莫之改也然則視學養老皆七十以上之人故天子亦親往焉武丁以命傅說者書所謂夢帝賚予良弼其代子言者也

十二年報祀上甲微

箋按夏后帝泄十六年殷侯微以河伯之師伐有易殷道復興故殷

人報焉魯語展禽曰上甲微能帥契者也商

二十五年王子孝已卒于野

箋按秦策陳軫曰孝已愛其親天下欲以爲子尸子

曰殷高宗之子曰孝已有孝行事親一夜五起視衣之厚薄枕之高下也其母早死高宗惑後妻言放之而死又按家語曰曾參既出妻終身不娶其子元請焉曾子曰高宗以後妻殺孝已尹吉甫以後妻放伯

奇吾上不及高宗中不比吉甫庸能免于非乎遂不娶

二十九年彤祭大廟有雉來

箋按書敘曰高宗祭成湯有飛雉升鼎耳而雉祖已

訓諸王作高宗彤日高宗之訓孔疏曰高宗之訓所以訓高宗也蔡仲默曰于彤日有雉雉之異蓋祭禩

廟也序言祭湯廟者非是按二說皆謬蓋高宗武丁之廟號也若是書作于武丁未陟之前豈可云高宗

之訓乎竹書殷武丁二十九年彤祭太廟有雉來五

十九年陟廟號高宗祖庚元年即位居殷作高宗之

訓殷本紀帝武丁崩于祖庚立祖己嘉武丁之以祥

雉為德立其廟為高宗遂作高宗彤日及訓意是時

祖庚釋祭于高宗之廟每過于豐故戒以無豐于昵

因作高宗之訓以訓祖庚耳孔疏以為訓高宗謬矣

書序高宗祭成湯竹書武丁祭太廟並有證據而蔡

傳云祭禩廟以序言祭湯廟非意以豐于昵昵為近

廟則不得為湯廟也不審豐于昵者祖庚也祭湯廟

者高宗也書曰惟先格王正厥事乃訓于王格王者

者高宗也書曰惟先格王正厥事乃訓于王格王者

至道之王高宗也訓于王者訓于祖庚也何轉以敘
為非又按格王成帝建始元年詔作假王師古曰商
宗彫日載武丁之臣祖己之辭也假至也以祖己為
高宗之臣時所作亦誤嗟乎竹書未出天下之以不
狂為狂者
將胡底也

三十二年伐鬼方次于荆

箋按後漢西羌傳武丁伐西戎鬼方詩大雅蕩云內鬻于

中國覃及鬼方毛傳鬼方遠方也世本陸終娶于鬼
方氏之妹曰女嬪注鬼方于漢則先零戎也要之武
丁伐鬼方則鬼方自是國名不得以遠方槩之竹書
言伐鬼方次于荆大抵即商頌所云奮伐荆楚者也
孔氏詩疏曰周有天下始封熊繹為楚子于武丁之
世不知楚君是何人今按彝器欵式所載曾侯鐘銘
曰惟王五十有六祀徙自西陽楚王韻章薛氏曰背
有兩商字商癸父丁彝銘曰惟王六祀兄癸卣銘曰
惟王九祀商稱祀也商自太戊外惟高宗享國五十
九年此鐘銘稱五十六祀者應自高宗伐鬼方之後

而荆楚亦遠徙西陽也一統志
西陽城在黃州府黃岡縣境

三十四年王師克鬼方

箋按易未濟九三高宗伐鬼方三年克之

氏羌來賓

箋按詩商頌殷武箋曰氏羌夷狄國在西方者也孔疏曰氏羌之種漢世仍存其居在秦隴之西氏羌遠夷一世而一見于王前漢地理志隴西有氏道羌道後漢西南夷傳七羌九氏各有部落是漢世尚存也尚書大傳曰武丁內反諸已以思先王之道三年編髮重譯來朝者六國說苑曰三年之後蠻夷重譯而朝者七國

而朝者七國

四十三年王師滅大彭

箋按鄭語史伯曰彭姓彭祖豕韋諸稽則商滅之矣韋昭曰彭

祖大彭也

五十年征豕韋克之

箋按鄭氏詩箋曰豕豕韋彭姓也計祖乙元年命彭伯韋伯至此歷

一百四十八年先後八年間而相繼滅
滅韋昭謂後世失道商復興而滅之

五十九年陟

箋按周書無逸曰肆高宗之享國五十有九年石經曰高宗之享國百年漢杜欽曰

高宗享百年之壽

王殷之大仁也力行王道不敢荒寧嘉靖殷邦至于

小大無時或怨是時輿地東不過江黃

箋按郡國志汝南安陽有

江亭弋陽有黃亭

西不過氏羌南不過荆蠻北不過朔方而

頌聲作

箋按商頌詩序曰殷武祀高宗也

禮廢而復興廟號高宗

箋按

漢書嚴助傳高宗殷之盛天子也孔安國尚書傳曰德高可尊故號高宗

祖庚

箋按殷本紀帝武丁崩子帝祖庚立

名曜

元年丙午卽位居殷作高宗之訓

箋按書敘祖已訓諸王作高宗之訓孔氏

傳曰所以訓也亡今據竹書祖已作高宗之訓在祖庚元年則高宗之崩已踰年矣孔疏以為訓高宗失其旨矣又按商彝器有祖已爵薛尚功曰商之君有雍已無祖已據書敘祖已訓諸王作高宗之訓商器又有祖已獻疑卽此祖已也

十一年陟

祖甲

附注曰國語作帝甲○箋按殷本紀帝祖庚崩弟祖甲立

名載

元年丁巳王卽位居殷

箋按書無逸其在祖甲不義惟王舊爲小人鄭氏曰祖甲成丁

子帝甲也有兄祖庚賢武丁欲廢兄立弟祖甲以此為不義逃于人間故云舊為小人金仁山曰祖庚崩而國人卒立之按高宗既廢孝已又欲廢祖庚大抵總惑于後妻之言

十二年征西戎

附注曰祖甲西征得一丹山○箋書陽甲二年征丹山戎郭璞注山海經

亦引竹書曰陽甲西征得一丹山沈注以為祖甲蓋誤也

冬王返自西戎

箋按武丁之世其地西不過氏羌則祖甲西征當亦在隴西左右故即于是年

冬而返也

十三年西戎來賓

箋按殷太戊二十六年西戎來賓距祖甲十三年凡二百五十八年始因

祖甲親征而來賓想其負恃荒遠王師罕至正不獨夜郎自大已也

命邠侯組紺

箋按世本云太公組紺諸蓋三代世表稱叔類皇甫謐云公祖一名組紺諸蓋字叔

類號曰太公也今据竹書命邠侯組紺則組紺諸蓋非連名也金仁山以諸蓋別一人

二十四年重作湯刑

箋按昭五年傳叔向詒子產書曰夏有亂政而作禹刑商有亂政而

作湯刑周有亂政而作九刑杜注夏商之亂著禹湯之法周之衰亦為刑書謂之九刑文十八年傳太史

克曰先君周公制周禮作誓命曰毀則為賊掩賊為藏竊賄為盜盜器為姦主藏之名賴姦之用為大凶

德有常無舍在九刑不忘注曰誓命以下皆九刑之書九刑之書今亡按汲冢周書嘗參解曰太史筴刑

書九篇以升授大正則九刑之名本此故史克以為周公作也叔向日周有亂政而作九刑亦謂重作者

耳

二十七年命王子囂王子良

箋按禮記王制注鄭氏曰王子王之庶子也西京雜

記曰霍將軍妻產二子疑所為兄弟或曰前生為兄後生為弟或曰居上者宜為兄居下者宜為弟時霍

光罰之答書曰昔殷王祖甲一產二子曰囂曰良以
卯日生囂巳日生良則以囂爲兄以良爲弟今霍氏
亦宜以前生爲
兄焉謂此也

三十三年陟

箋按書無逸曰肆祖甲之享國三十有三年

王舊在野及卽位知小人之依能保惠庶民不侮鰥

寡迨其末也繁刑以攜遠殷道復衰

附注曰國語云
立王勤商十有

四世帝甲亂之七世而隕○箋按殷本紀帝甲淫亂
殷道復衰與國語同据書無逸周公曰嗚呼自殷王
中宗及高宗及祖甲及我周文王茲四人迪哲則祖
甲不當有淫亂之事矣大抵殷之祖甲猶周之宣王
周宣不再傳而有幽王之敗况祖甲後七世乎

馮辛

附注史記作廩辛○箋按殷本紀帝甲崩子帝
廩辛立索隱古今人表及帝王世紀皆作馮辛

名先

元年庚寅王即位居殷 箋按庚寅一本作庚申誤

四年陟 箋按書無逸自是厥後亦罔或克壽或五六年或四三年如沃甲五年南庚六年小辛三年仲

壬陽甲馮
辛皆四年

庚丁 箋按股本紀帝廩
辛崩弟庚丁立

名囂

元年甲午王即位居殷 箋按紀年囂祖甲庶子祖
甲二十七年命為王子者

八年陟

武乙 箋按股本紀帝庚
丁崩子武乙立

名瞿

箋按商有瞿父鼎薛用敏曰商器以父名多矣瞿則不知其為誰

元年壬寅王即位居殷

箋按武乙元年周文王昌始生而世紀以為當殷王祖甲二十

八祀庚寅生昌殊不審祖甲在位三十三年乃陟則是時文王六齡又歷馮辛四年庚丁八年武乙三十

五年則是時文王五十三齡又歷文丁十三年而文王

年則是時文王七十五齡又加紂四十一年而文王

薨則是時文王年百十六齡安得為九十七乎計文王之生適當武乙元年壬寅歲其年太王自邠而遷

于岐周故孟子謂文王生于岐周也若祖甲二十

八年在未遷岐之前十九年安得云生于岐周乎

邠遷于岐周 箋按漢書匈奴傳戎狄攻太王亶父亶父

水鄉周太王所邑林氏曰邠在岐西北四百餘里括地志故周城一名美陽城雍州武功縣北七里郡縣志岐山一名天柱山在鳳翔府岐山縣東北十里徐廣曰邑於周地故始改國曰周

三年自殷遷于河北

箋按殷本紀武乙立殷復去亳居河北相州圖經曰安陽在淇洹二

山之間本殷墟也史三代世表武乙徙河北

命周公亶父賜以岐邑

箋按詩疏引中候稷起注云亶父以字為號今據竹書命亶父

則亶父是名也書傳說大王遷岐民束脩奔而從之者三千乘止而成三千戶之邑則是岐山之下始未有邑至是成邑而武乙因賜之也魯頌曰至于太王居岐之陽實始翦商毛傳曰翦齊也鄭箋曰翦斷也說文作戩商戩福也三說皆非也爾雅釋詁曰勞來強事謂翦篲勤也實始翦商蓋謂實始勤商耳與周周書太王其勤王家之意正自符合齊斷勤三訓皆見爾雅注詩者未之攷也

十五年自河北遷于沫

箋按武乙三年自殷遷河北至是復濟河北徙朝歌紂仍都之

蓋武乙之時其地名沫至紂時其地乃名朝歌水經注曰朝歌本沫邑紂有新聲靡樂號邑朝歌也周書

酒誥王若曰明大命于妹邦孔傳曰妹地名紂所都
朝歌以北是孔疏曰妹與沫一也詩有云沫之東矣
沫之鄉矣括地志朝歌本
沫邑武乙始都之是也

二十一年周公亶父薨

箋按自組紉呂上皆曰邠侯至
亶父遷于岐周始命為公故曰

周公亶父也武元元年文王生至是年二十一矣太
王以文王生有聖德欲傳位季歷以及文王此也

二十四年周師伐程戰于畢克之

箋按穆王時左史戎
夫記曰昔有畢程氏

損祿尊爵羣臣貌匱比而戾民畢程氏以亡周師伐
程戰于畢蓋即為畢程也地理志扶風安陵縣師古
曰鬪駟以為周之程邑也書敘惟王季宅程史記正
義引周書惟王季宅郢郢即程也郢故城在雍州咸
陽縣東二十里戰于畢畢陌在程
西北莊十一年傳凡師得雋曰克

三十年周師伐義渠乃獲其君以歸

箋按左史戎夫記
昔者義渠氏有兩

子異母皆重君疾大臣分黨而爭義渠以亡周師所
伐者蓋卽此也地理志北地有義渠道括地志寧原
慶三州本義渠戎國之地

三十四年周公季歷來朝王賜地三十里五十穀馬十

疋

箋按莊十八年傳虢公晉侯朝王王享醴命之宥皆
賜玉五穀馬三匹非禮也王命諸侯名位不同禮亦
異數不以禮假人杜氏曰侯而與公同賜是借人禮
雙玉爲穀又作珎今武乙賜季歷者乃公禮也王制
曰有功德于民者則加地進律是也

三十五年周公季歷伐西落鬼戎

箋按後漢書西羌傳注武乙三十五年伐

西落鬼戎俘二十翟王

王畋于河渭大雷震死

箋按地理志渭水東至船司空入河因名爲河渭也殷本紀曰

帝武乙無道為偶人謂之天神與之搏人為行天神不勝乃僂辱之為革囊盛血仰而射之命曰射天獵

于河渭之間暴雷震死漢書郊祀志曰帝乙嫚神而震死

文丁附注曰史記作太丁非○箋按殷本紀武乙震死子帝太丁立

名托

元年丁丑王即位居殷附注曰自沫歸殷邑○箋按帝乙十五年自河北遷於沫至文

丁又自沫歸殷邑史項羽本紀期洹水南殷虛上地理通釋曰殷虛南去朝歌城百四十六里是文丁自

沫而北徙也

二年周公季歷伐燕京之戎敗績箋按淮南子汾出燕京高誘曰燕京山在

太原汾陽縣水經注曰濕水逕陰館縣故城西又東北流左會桑乾水耆老云其水潛承太原汾陽北燕

京山之天池燕京亦管涔之異名也郡縣志天池在嵐州靜樂縣北燕京山上週迴八里陽旱不耗陰霖不溢燕京之戎蓋居此山也

三年洹水一日三絕

箋按水經洹水出洹山逕殷虛北又東北逕鄴城南魏土地記曰鄴

城南四十里有安陽城有洹水東流者也皇甫謐曰鄴有上司馬殷太甲常居之太甲當即太丁之譌也

四年周公季歷伐余無之戎克之

箋按左傳閔二年晉申生伐東山臯落氏

上黨記東山在壺關縣城東南今名無臯成八年劉康公敗績于徐吾氏上黨記純留縣有余吾城在縣西北三十里余無之戎當即余吾及無臯二戎也

命為牧師

箋按周禮太宗伯以九儀之命正邦國之位八命作牧鄭注曰謂侯伯有功德者加命得

專征伐於諸侯又按鄭注王制曰殷之州長曰伯虞夏及周皆曰牧今据天問曰伯昌號衰秉鞭作牧竹

書殷命季歷為牧師是殷亦稱牧也又按虞書益稷篇州十有二師釋文引鄭注曰師長也路史十國而有長長有師五長而一師師五十國州十有二師州有牧牧稟命于上京弼成五服至于五千

五年周作程邑

箋按武乙二十四年周師伐程至是十有七年而周始營之以作邑括地志安

陵故城在雍州咸陽縣東二十一里周之程邑也

七年周公季歷伐始呼之戎克之

箋按山海經有始州之國此云始呼未詳

也

十一年周公季歷伐翳徒之戎獲其三大夫來獻捷

按箋

後漢書西羌傳殷室中衰諸夷皆叛至于武丁征西戎鬼方三年乃克及武乙暴虐犬戎寇邊周公踰梁山而避于岐下及子季歷遂伐西落鬼戎太丁之時周人復伐燕京之戎戎人大敗周師後二年周人

復克余無之戎於是太丁命季歷為牧師自是之後更伐始呼翳徒之戎皆克之並據竹書為文也又按春秋提要曰獻者下奉上之詞軍獲曰捷莊三十一年傳凡諸侯有四夷之功則獻於王王以警于夷中國則否

王殺季歷

箋按呂氏春秋首時篇王季困而死文王苦

勤勞國事以至薨沒故文王哀思苦痛也時竹書未

出誘不知有文丁殺季歷事也劉知幾史通雜說上

曰竹書紀年出于晉代學者始知后啟殺益太甲誅

伊尹文王殺季歷則與經典所載乖刺甚多李氏維

禎曰羣書蕪穢典訓陵遲殺益誅尹猶曰頗刑季歷

之弑古今大惡而以此之污鱗至聖不憂舌過鼻乎是

皆不知史記太丁即文丁誤以文丁為文王由不見

竹書本文故也又按晉書束皙傳亦言文丁殺季歷

王嘉季歷之功賜之圭瓚秬鬯九命為伯

箋按大雅旱麓詩傳

曰九命然後賜以圭瓚瓚周禮冬官玉人職裸圭尺有二寸有瓚以祀廟鄭氏曰裸謂始獻酌奠也瓚如盤其柄用圭有流前注禮記曰君賜圭瓚然後爲
鬯未賜者資鬯于天子說文曰秬黍也一稔二米所以釀鬯鬯鬱金香草也周禮大宗伯九命作伯注上公有功德者加命爲二伯得征五侯九伯者孔叢子羊容問於子思曰周自后稷封爲王者之後至太王王季文王此爲諸侯矣奚得爲西伯乎子思曰吾聞諸子夏曰殷王帝乙之時王季以九命作伯于西受圭瓚玉鬯之賜故文王因之得專征也据竹書則王季爲西伯在帝乙之前三年 旣而執諸塞庫季歷困而死故曰文

丁殺季歷執王季于塞庫羈文王于玉門鬱尼之情

辭以作歌其傳久矣箋按韓非子曰文王見罍于玉門正與此合庾信齊王憲碑囚

箕子于塞庫羈文王于玉門以王季爲箕子疑塞庫囚季歷處紂囚箕子于此所未詳也

十二年 周文王元年。箋按晉語胥臣曰文王之卽位也。詢于八虞。咨于二虢。度于闕天。謀于南宮。諏

于蔡原訪于辛尹

有鳳集于岐山 箋按周語內史過曰周之興也鸞鷲鳴于岐山草蟲經曰鳳雛爲鸞鷲

十三年 陟

帝乙 箋按殷本紀帝太丁崩子帝乙立

名羨

元年 庚寅王卽位居殷 箋按帝王世紀曰帝乙復濟河北徙朝歌則自帝乙而後遂名

朝歌爲殷矣

二年 王命南仲西拘昆夷城朔方 箋按小雅出車云王命南仲往城于方毛

傳曰王殷王也南仲文王之屬方朔方近玁狁之國也
也繇云混夷銳矣鄭箋混夷夷狄國陸氏混音昆尚
書大傳四年伐犬夷注卽昆夷也汲冢周書序文王
立西距昆夷北備玁狁謀武以昭威懷作武稱朔方
漢武帝元朔二年開以爲郡郡有渠搜
縣王莽更郡曰溝搜卽今之靈夏衛也

夏六月周地震

箋按鄭樵通志曰文王卽位之八年六月寢疾五日而地震竹書則文王卽位

之四年

九年陟

箋按文二年傳宋祖帝乙猶上祖也杜預曰帝乙微子父宋不以帝乙爲不肖而猶尊尙之

帝辛

箋按殷本紀帝乙長子曰啟啟母賤不得嗣辛母爲正后辛爲嗣帝乙崩子辛立

名受

附注卽紂也曰受辛○箋按周書克殷解尹逸箋曰殷末孫受德迷先成湯之明侮滅神所不

祀孔晁注云紂字受德也又按呂氏春秋當務篇紂之同母三人長曰微子啟次曰仲衍三曰受德乃紂

也

元年己亥王卽位居殷

箋按國策吳起對魏武侯曰商紂之國左孟門右太行常山在

其北大河經其南史記正義曰竹書紀年云自盤庚

徙殷二百五十二年更不徙都紂時稍大其邑南距

朝歌北據邯鄲及沙丘皆為離宮別館殊不審紂所

居殷乃紂父帝乙所徙皇甫謐曰帝乙復濟河北徙

朝歌是也正義以此殷為

盤庚所徙之亳殷謬矣

命九侯周侯邗侯

附注周侯為西伯昌○箋按戰國策魯仲連曰昔者鬼侯鄂侯文王紂之

三公也鬼一作九徐廣曰鄴縣有九侯城春秋繁露

曰紂刑九侯取其指環字皆作九廣又曰鄂一作邗

今本紀年作邗侯蓋因廣誤史稱九侯進女于紂女

不喜淫紂殺之而醢九侯鄂侯爭之併殺鄂侯韓子

曰文王說紂而紂囚之冀侯炙鬼侯腊比于剖心梅

伯醢翼侯卽鄂侯也左傳隱五年曲沃伐翼翼侯奔

隨晉人納諸鄂翼與鄂近是韓子翼侯卽鄂侯也廣云一作邗非矣

三年有雀生鷓

箋按陸璣曰鷓似鷓青黃色燕頷句啄因風飛急擊鳩鴿燕雀食之家語孔子

曰昔殷王帝辛之世有雀生大鳥于城隅占之曰以小生大國家必王名必昌於是帝辛介雀之德不修

國政殷國以亡注曰介助也以雀之德為助也

四年大蒐于黎

箋按楊士勛穀梁疏曰言大者器械過常春秋昭公十一年大蒐于此蒲二十

二年大蒐于昌間之類是也又按照四年傳曰商紂為黎之蒐東夷叛之服虔曰黎東夷國名也子姓漢

志魏郡黎丘縣晉灼曰黎山在其南韓非子曰紂為黎丘之蒐而戎狄叛之由無禮也

作炮烙之刑

箋按淮南倣真訓迨至殷紂燔生人辜諫者為炮烙鑄銅柱漢書莽作焚如之刑猶

也是也

五年夏築南單之臺

箋按水經注南單之臺卽鹿臺之異名也劉向新序曰鹿臺其大三

里高千尺臣瓚曰

今在朝歌城中

雨土于亳

箋按墨子曰商紂不德十日雨土于亳天雨土君失封

六年西伯初禴于畢

殷以上則禴禘嘗烝王制文也至

周公則去夏禘之名以春禴當之更名春曰禘故禘

禘云宗廟之祭春曰禴周公制禮乃改夏爲禴今據

竹書文王初禴于畢易未濟九五東鄰殺牛不如西

鄰之禴祭本義曰當文王與紂之事則改夏祭爲禴

者自文王始矣杜佑通典曰畢王季初都之後畢公

封焉汲冢古文曰畢西于豐三十里又按史記曰武

王卽位九年上祭于畢東觀兵于孟津亦卽是畢也

後漢蘇竟傳畢爲天網主網羅無道之君故武王將

伐紂上祭于畢求助天也若然則文王初

禴于畢亦可謂禴祭于畢星乎知不然矣

九年王師伐有蘇獲妲己以歸

箋按晉語史蘇曰殷辛伐有蘇有蘇氏以妲己

女焉妲己有寵于是乎與膠鬲比而亡殷唐書世系

表曰鄴西蘇城是又按泰誓曰作奇技淫巧以悅婦

人蔡氏引列女傳曰紂膏銅柱下加炭令有罪者行

輒墮炭中妲己乃笑皇甫謐謂紂二年納妲己皆誤

也今據竹書紂四年作炮烙九年獲妲己則炮烙非

為妲己設也世紀謂武王伐紂紂自焚于宣室而死

二嬖妾與妲己亦自殺抑猶為賢

于褒姒故特為考其事而原之

作瓊室立玉門

箋按說文曰瓊赤玉也六韜曰紂作瓊室鹿臺飾以美玉通鑑外紀曰紂為瓊

室立玉門其大三里高千尺七年乃成韓非子曰文

王見詈于玉門而顏色不變國策希寫曰昔者文王

拘于羑里而武王羈于玉門似當以韓子為是

又按賈子曰紂死棄玉門之外觀者皆進蹴之

十年夏六月王畋于西郊

箋按詩譜曰邶鄘衛者紂畿內方千里之地其封域在冀

州太行洹山之東孔疏曰河內卽紂都而西不踰太行者以其國近西也戰國策曰紂聚眾百萬右飲洹水不流則紂畋西郊蓋在太行洹水之東矣

十七年西伯伐翟

箋按王符潛夫論白狄嬀姓地理通釋曰翟隗姓白狄有延安府鄜丹綏

廓銀石州之地漢匈奴傳西河圖洛之間有赤翟白翟師古曰春秋所書晉師滅赤狄潞氏卻缺獲白狄

子者西伯伐翟殆卽此與

冬王遊于淇

箋按山海經沮洳之山淇水出焉南流注于河郡縣志出衛州其城縣西北沮洳山

至衛縣入河謂之淇水衛古朝歌也水經注淇水逕朝歌北又屈逕頓丘西太和泉水入焉水有二源一水出朝歌城西北東南老人晨將渡水而沉吟難濟紂問其故左右曰老者髓不實故晨寒也紂乃于此斲脛而視髓也泰誓斲朝涉之脛蓋謂此也

二十一年春正月諸侯朝周

箋按文王即位之三十年諸侯始朝周也

伯夷叔齊自孤竹歸于周

箋按史伯夷列傳伯夷叔齊孤竹君之二子也索隱曰韓

詩外傳云孤竹君是殷湯三月丙寅日所封相傳至夷齊之父名初字子朝伯夷名允字公信叔齊名致字公達應劭曰孤竹之國君姓墨胎氏据殷本紀史公曰契後分封以國為姓有日夷氏即此也地理志遼西令氏有孤竹城括地志孤竹古城在平州盧龍縣南十二里

二十二年冬大蒐于渭

箋按昭十一年公羊傳大蒐者何簡車徒也地理志隴西首陽

縣禹貢鳥鼠同穴山在西南渭水所出東至船司空入河過郡四行于八百七十里此言大蒐于渭者隨渭水所經之地蒐之不止于一處也若扶風渭城之名起于漢武古未有也

二十三年囚西伯于羗里

箋按趙策魯連子曰紂醢鬼侯脯鄂侯文王聞之喟然而

嘆故拘之于牖里之庫又淮南道應訓崇侯虎曰周伯昌行仁義而善謀若與之從則不堪其殃縱而赦之身必危亡及未成請圖之屈商乃拘文王于羑里高誘曰屈商紂臣也皇甫謐云紂二十年囚文王少三年也又按地理志河內蕩陰縣西山羑水所出至內黃入蕩有羑里城西伯所拘也水經注曰昔紂王納崇侯虎之言囚西伯于此散宜生南官括見文王乃演易用明否泰終始之義焉漢書曰文王重易六爻作上下篇陸佃埤雅曰伏羲重卦重三畫于前文王重卦重六爻于後何用知伏羲重三畫于前以書曰卜五占用二曰貞曰悔周官曰太卜掌三易之法其經卦皆八其別皆六十有四知之也故曰八卦成列象在其中矣因而重之爻在其中矣何用知文王重六爻于後以司馬遷曰伏羲至純厚作易八卦蓋西伯拘而演易揚雄曰易始八卦而文王六十四故曰易之興也其當殷之末世周之盛德邪當文王與紂之事邪据周易正義曰伏羲重卦周公作爻辭則伏羲重卦但已有爻無辭耳

二十九年釋西伯

箋按襄二十一年傳衛北宮文子曰紂囚文王七年諸侯皆從之囚紂于

是乎懼而歸之此言為得其實殷本紀紂囚西伯西伯之臣闕天之徒求美女奇物善馬以獻紂紂乃赦

西伯亦傳聞之辭也

諸侯逆西伯歸于程

箋按文丁五年周公季歷作程邑居之文王又居之周書程典解惟

三月既生魄文王合六州之侯奉勤于商商王用宗

以命三忠

三十年春三月西伯率諸侯入貢

箋按左傳襄四年韓獻子言于朝曰文王

帥殷之叛國以事紂惟知時也

三十一年西伯治兵于畢

箋按括地志畢原在萬年縣西南二十八里王氏曰畢原

無山川陂湖井深五十丈秦謂之池陽原漢謂之長平坂其地南北數十里東西二三百里西伯治兵于此習戰也

得呂尙以為師渭之陽將大得焉非熊非羆非虎非狼

兆得公侯天遺汝師王乃齋戒三日田于渭之陽卒見呂尙坐茅以漁一統志呂城在南陽府城西三十

里虞夏時封呂尙先祖於此齊太公世家曰呂尙者東海上人先祖嘗為四嶽佐禹平水土甚有功虞夏

之際封于呂尙其後苗裔也本姓姜氏從其封姓故曰呂尙蓋嘗窮困年老矣以釣魚于西伯出獵

遇太公于渭之陽與語大說載與俱歸為文武師詩維師尙父劉向別錄曰師之尙之父之故曰師尙父

三十二年五星聚于房箋按春秋元命包曰殷紂之時五星聚于房房者蒼龍之精周

據而興隋天文志曰周王之興五星聚房赤雀嚙書止于王居

有赤鳥集于周社

箋按墨子曰赤鳥啣珪降周之岐社曰命周文王伐殷呂氏春秋曰文王

之時天光見火有赤鳥銜書集于周社文王曰火氣勝故其色尚赤傳立晉饒歌曲赤鳥啣書至天命瑞

周文

密人侵阮

箋按大雅皇矣曰密人不共敢距大邦侵阮徂其毛傳曰國有密須氏侵阮遂往侵其應

劭曰密須姞姓之國臣瓚曰安定陰密縣是左傳桓十年虞公出奔其池張氏曰今涇州有其池黃帝使伶倫之阮隃之陰取嶰谷之竹又按阮無所攷据漢成帝陽朔元年詔關東大水流民欲入函谷天井壺口五阮關者勿苛留陸友仁研北雜志梁四公子有仇啓五阮人或卽是阮之故地也

西伯帥師伐密

箋按大雅皇矣云王赫斯怒爰整其旅以遏徂旅是其事也皇甫謐曰文王問

太公吾用兵孰可太公曰密須氏疑于我我可先伐之遂侵阮徂其而伐密須密須之伐書傳以爲在文

王受命之四年今据竹書是在
殷未錫命文王之前一年也

三十三年密人降于周師

箋按周書大開武解曰維王
祀王在艷密命訪于周公

且曰烏呼余夙夜維商密不顯誰和若歲之有秋今
子不獲其落恐將亡皇甫謐曰密須人及商紂謀周大命不
得其落恐將亡皇甫謐曰密須人自縛其君而歸文
王昭十五年傳密須之鼓與其大路文所以大蒐也
杜注密須姁姓國也在安定陰密縣東故密城是也
又周書言一祀三月者是年為文王受命得專征伐
之年故周書稱為一祀如所謂文王受命九年大
統未集皆以是年為始一祀者時從殷稱祀也

遂遷于程

箋按孔氏詩疏曰周書稱文王在程作程寤
程典今周書程寤解闕据大開武解周公旦

對武王曰茲順天降寤于程程降因于商商今生葛
葛右有周孔晁注曰言天寤周以和商謀商朝生葛
是祐助周也程寤解
亡其義略見于此矣

王錫命西伯得專征伐

箋按韓非子曰文王侵孟克莒舉鄆三舉事而紂惡之文王乃

懼請入洛西之地赤壤千里以請解炮烙之刑天下皆說史記殷本紀曰西伯獻洛西之地以請除炮烙之刑紂許之賜弓矢斧鉞得專征伐為西伯徐堅曰周禮雍州其川洛汭洛一名漆沮出焉翊此關輔之洛非河南洛也

約按文王受命九年大統未集蓋得專征伐受命自

此年始

箋按大雅文王篇序曰文王受命作周也鄭箋曰受命受天命而王天下制作周邦孔疏

引無逸曰文王受命惟中身厥享國五十年注云受命謂受殷王嗣立之命彼謂文王為諸侯受天子命也此述文王為天子故云受天命也漢和帝時應劭著風俗通曰論語文王率殷之叛國以服事殷時尚臣殷何緣便得列三王哉俗儒新生不能採綜多其辯論至於訟閱太王王季皆見追號豈可復謂已王

乎今据竹書殷錫西伯命得專征伐沈休文附注以受命為受得專征伐之命較應氏更為明快真可以破千古之疑矣

三十四年周師取耆及邠遂伐崇

箋按殷本紀西伯伐

一作肌又作耆是耆即饑國也左傳僖二十九年祝鮒曰分康叔以殷民七族有饑氏是也周本紀謂西伯敗耆國正義曰即黎國也然尚書西伯伐黎乃武王襲封西伯後三年事也安在文王所伐之耆即黎乎又按地理志河內壑王縣孟康曰故邠國今邠亭是也又大戴記曰紂不說諸侯之聽于周昌別嫌于死乃退伐崇許魏以客事天子注許魏不在五伐蓋時小伐也客事者謂忍而臣之也尚書大傳曰文王既受命專征一年斷虞芮之質二年伐邠三年伐密須四年伐大夷五年伐耆六年伐崇今据竹書取耆伐邠遂伐崇皆一年事也明堂位曰崇鼎天子之器也鄭注曰文王伐崇遷其重器

崇人降

箋按僖十九年傳子魚謂宋襄公曰文王聞崇德亂而伐之軍三旬而不降退修教而復之因

壘而降又襄三十一年傳北宮文子言于衛侯曰文王伐崇再駕而降為五

冬十二月昆夷侵周

箋按帝王世紀曰文王受命四年春正月丙子朔昆夷氏侵周一日

三至周之東門

三十五年周大饑

箋按周書大匡解維周王宅程三年遭天之大荒作大匡以詔牧其方三

州之侯咸率謂此也又文傳解文王召太子發曰天有四殃水旱飢荒其至無時非務積聚何以備之夏

箴曰小人無兼年之食遇天飢臣妾與馬非其有也戒之哉弗無兼年之食遇天飢臣妾與馬非其有也戒之哉弗

思弗行至無日矣蓋亦有鑒于此也春秋襄公二十有四年大饑穀梁傳曰五穀不升為大饑

西伯自程遷于豐

箋按僖十九年左氏傳甯莊子曰昔周饑克殷而年豐蓋謂此也孔晁曰

程地名在岐州左右初王季之子文王因焉而遭饑乃徙豐焉師古曰文王作豐今長安西北界靈臺豐

水上

三十六年春正月諸侯朝于周遂伐昆夷

箋按漢書匈奴傳周西伯

昌伐畎夷師古曰卽畎戎也又曰昆夷

西伯使世子發營鎬

箋按周書文傳解文王受命九年惟暮春在鎬召太子發曰吾語汝

所保所守初學記引周書曰文王在郃召太子發曰吾楛柱而茅茨爲人愛費是鎬爲文王時所營也其後武王徙都之文王有聲曰考卜維王宅是鎬京是也

三十七年周作辟雍

箋按莊子曰古之禮樂黃帝有咸也堯有大章舜有大韶禹有大夏

湯有大濩文王有辟雍之樂武王周公作武是辟雍爲樂名也說文曰辟牆也靡天子享宴辟靡也魯詩

解辟雍文王宮名古鼎銘惟三月初吉王在和宮大
夫始錫作彝又王在辟宮獻工錫章是辟雍為宮名
也或文王當日作樂于辟雍之宮奏之故樂亦名為
辟雍也周有天下欲廣文王周公之制于天下故國
學謂之辟雍鄉學謂之泮宮禮記王制曰天子命之
教然後為學小學在公宮之左大學在郊天子曰辟
雍諸侯曰泮宮史記曰國中立四代之學辟雍居中
北虞學東夏學西殷學是為大學又建虞庠于西郊
夏序于州殷序于黨是為小學大雅云於論鼓鐘於
樂辟雍毛傳云水旋正如璧曰辟雍以節觀者大戴
禮盛德篇明堂者凡九室室四戶八牖以茅蓋屋上
圓下方所以朝諸侯外水曰辟雍封禪書天子辟池
索隱曰即周天子辟雍之池漢平帝紀安漢公奏立
明堂辟廡應劭曰黃帝曰合宮有虞曰總章殷曰陽
館周曰明堂辟廡者象璧
圓雍之以水象教化流行

三十九年大夫辛甲出奔周

箋按劉向別錄曰辛甲事紂七十五諫而不聽之去

周文王以爲公卿襄四年傳魏莊子曰辛甲之爲周太史也命百官箴王闕漢書藝文志辛甲二十九篇地理志上黨長子縣周史辛甲所封

四十年周作靈臺

箋按詩含神霧曰文王作邑于豐起靈臺淮南子道應訓曰紂拘文王文

王歸乃爲玉門築靈臺紂聞之曰周伯昌改道易行吾無憂矣詩序曰靈臺民始附也孔疏曰始附謂心附之也据中候雒師謀曰惟王旣誅崇侯虎王在豐豐人一朝扶老至者八十萬戶又宋書索虜傳曰昔周道方隆靈臺初構民之附化八十萬家是詩序云始附者謂歸附之眾於是而始若以爲心附民之心附文王者豈始于是日乎左傳僖二十五年秦伯獲晉侯以歸乃舍諸靈臺杜氏曰在京兆杜縣周之故臺也

王使膠鬲求玉于周

箋按王嘉拾遺記帝堯在位聖德光洽河洛之濱得玉版方尺圖天

地之形韓非子曰周有玉版紂令膠鬲索之文王不
予費仲來求因子之是膠鬲賢費仲無道也周惡賢
者之得志也
故子費仲

四十一年春三月西伯昌薨

附注周文王葬畢畢西于豐三十里。箋按漢書劉

向傳文武周公葬于畢臣瓚曰汲郡古文畢西于豐
三十里師古非之曰畢陌在長安西北四十里也禮
文王世子文王九十七而終尙書無逸文王受命惟
中身厥享國五十年孔傳曰文王卽位年四十七言
中身舉全數今据竹書文王生武乙元年庚寅以文
丁十二年戊子嗣父卽位年四十六故曰受命惟中
身又按通典曰文王葬畢初王季都之後畢公高封
焉後漢蘇亮傳武王上祭于畢注以爲古無墓祭此
蓋上祭于畢星若然文王初禴于畢亦可謂上禴于
畢星乎知不然矣又成湯自帝癸十五年始爲諸侯
十八年而代夏有天下至帝辛四十一年而文王卒
共計五百零二年故孟子云由湯至文王五百有餘

歲通鑑前編謂始湯終紂共六百六
十一年與孟子殊舛當依竹書為是

四十二年箋按周武王元年

西伯發受丹書于呂尙箋按大戴禮踐阼篇曰武王踐

顓頊之道存乎師尙父曰在丹書王欲聞之則齋矣

三日王端冕師尙父亦端冕奉書而入而道丹書之

言曰敬勝怠者吉怠勝敬者滅義勝欲者從欲勝義

者凶云云王聞書之言惕若恐懼退而為戒書于席

四端以戒

後世子孫

有女子化為丈夫箋按春秋潛潭巴曰賢人去位

四十三年春大閱箋按周禮大司馬中冬教大閱司常

頌旗物鄭注曰大閱王乘戎路及太常焉然則大閱

乃冬時教戰之禮此云春大閱未必即殷禮也見紂

之大閱爲
不時耳

嶢山崩

箋按淮南傲真訓逮至殷紂嶢山崩三川涸覽
冥訓嶢山崩而薄落之水淵史留侯世家沛公

欲以兵二萬人擊秦嶢下軍魏土地記藍田縣南有
嶢關地名嶢柳方輿紀勝嶢關在藍田縣東南二十

八里一統志嶢山在藍田縣南二十
十里初學記引淮南子作嶢山

四十四年西伯發伐黎

箋按書敘曰殷始咎周周人乘
黎祖伊恐奔告于紂作西伯戡

黎孔傳黎近王圻之諸侯在上黨東北鄭氏曰西伯
文王也大全引朱子曰看來文王只是不伐紂耳其

他事亦是都做了如伐崇戡黎之類或問西伯戡黎
惟陳少南呂伯恭薛季隆以為武王吳才老亦言戡

黎恐是伐紂時事然史記又謂文王伐崇伐密須伐
者國者即黎也音相近二說未知孰是曰此等無證

據姑且闕之今據竹書殷帝辛三十四年周師取者
四十二年西伯昌薨四十四年西伯發伐黎則是戡

黎者武王無可疑也郡國志上黨壺關有黎亭古黎國劉昭注文王戡黎卽此蓋又以鄭氏誤也

四十七年內史向摯出奔周

箋按帝王世紀曰紂政彌亂殷太史向摯載其圖書

而歸周又淮南子汜論訓太史令向摯先歸文王暮年而紂乃亡以摯為藝武王為文王皆誤

四十八年夷羊見

箋按周書度邑解王曰嗚呼且惟天不享于殷發之未生至于今六十年

夷羊在牧飛鴻遍野又周語內史適曰商之興也禱杙次于丕山其亡也夷羊在牧韋昭注夷羊神獸牧

商郊牧野續博物志曰武王既勝殷登邠之阜以望商邑曰自發未生六十年麋鹿在牧飛鴻遍野徐廣

引內史過之言曰夷羊在牧張華以為文王之詞曰水潦東流飛鴻遍野與竹書所紀微有不同但夷羊

不知何物史記貨殖傳其民羯羶不均徐廣狹音兕一音囚凡反皆健羊名當卽是夷羊也

二日並出

箋按荊州占曰兩日俱出以上是謂亂明亂明出天下大亂

五十一年冬十一月戊子周師渡盟津而還

箋按是年己丑周武

王卽位之十年也唐天文志云武王十年夏正十月
戊子周師始起則竹書稱十一月戊子蓋猶是商正
也一統志孟縣在懷慶府城南六十里周武王會諸
侯於孟津卽此史記正義曰孟津在洛州河陽縣南
門外孔氏書傳曰武王觀兵孟津以卜諸侯伐紂之
心諸侯僉同乃退以示弱是渡盟津而還之事也王
克論衡曰武王與八百諸侯咸同此盟故曰盟津又
水經注曰河南有鉤陳壘世傳武王伐紂八百諸侯
所會處河水至此有盟津之目

王囚箕子

箋按泰誓曰囚奴正士孔傳曰箕子正諫而
以爲囚奴世紀曰武王命召公釋箕子之囚

賜貝于朋又按書敘曰武王勝殷殺紂立武庚以箕
子歸作洪範司馬彪注莊子曰箕子名胥餘漢官儀
曰紂時胥餘爲大師又按庾信周齊王憲神道碑囚
箕子於塞庫据紀年附注塞庫紂祖文丁囚季歷處

紂因以囚箕子耳

殺王子比干

箕按宋微子世家王子比干者亦紂之親戚也直言諫紂紂怒遂殺比干而剖視其

心水經注曰淇水逕頓丘縣故城西東北逕枉人山東

東隋地理志曰汲郡黎陽有枉人山圖經曰枉人山

谷名也或曰紂殺比干于此因以為名世紀曰武王

命閔天封比干之墓命宗祀享祀于軍寰宇記比干

墓在汲縣十里世族譜殷比干子堅逃難長林

山因以林氏唐書地理志江陵府有長林縣

微子出奔

箕按史記曰紂殺比干囚箕子太史疵少師

銜璧逢伯曰昔武王克商微子啟如是假合微子先

抱祭器歸周周必禮之何至今日始持祭器而縛造

于軍門如宋世家所云者据竹書商紂二十九年太

史辛甲出奔周四十七年內史向摯奔周此獨書微

子出奔不云奔周者知微子無抱祭器歸周之事而

逢伯夸張其說以動楚子太史又据之而誤也觀武

王克商卽反商政釋箕子之囚封比干之墓立紂子武庚而不一及于微子以是時微子出亡未獲故也微子適周未知其何時迨武庚以叛誅而後封微子于宋則從前未嘗歸周可知一統志東昌府城東北有故微子城是微子在殷封于微漢志梁國睢陽縣故宋國微子所封是武庚既滅微子不忍殷王之不祀始受封于宋也蔡邕朱公叔鼎銘曰有殷之胄微子啟以帝乙元子生公子朱其孫氏焉朱遜于荒野始終未嘗適周故微子舍孫臚而立衍安有以微子之賢而先歸于周乎

五十二年庚寅周始伐殷

箋按是年庚寅周武王卽位十一年矣周始伐殷蓋始果

于伐殷也書敘曰惟十有一年武王伐殷一月戊午師渡孟津作泰誓三篇書曰惟十有三年春大會于孟津陸氏釋文曰惟十有三年或作十有一年後人妄看序文輒改之今据竹書則書敘十有一年是也張子南軒曰書敘稱十有一年而書復稱十有三年者字之誤也又唐志曰度議曰竹書十一年庚寅周

始伐商先儒以文王受命九年而崩至十年武王觀
兵盟津十三年復伐商推日月不為相距四年所說
非是武王十年夏正十月戊子周師始起於歲差日
在箕十度則析木津也晨初月在房四度房與歲星
實相經緯后稷感之以生故國語曰月之所在辰馬
農祥我祖后稷之所經緯也又三日得周正月庚寅
朔日月會南斗一度故曰辰在斗柄壬辰辰星夕見
在南斗二十度其明日武王自宗周次于師所故武
成曰維一月壬辰旁死魄翌日癸巳王朝步自周于
征伐商是時辰星與周師俱進由建星之未歷牽牛
須女涉顛頊之虛戊午師渡孟津而辰星伏于天龍
所以告顛頊而終水行之運且木帝之所繇生也故
國語曰星與日辰之位皆在北維顛頊之所建也帝
倍受之我周氏出自天龍有建星及牽牛焉是歲歲
星始及鶉火直軒轅之虛以爰稼穡星繫焉而成
周之大萃也以此較之則書序稱惟十有一年實相
符合而泰誓稱
十有三年譌也

秋周師次于鮮原

箋按入雅皇矣云度其鮮原居岐之陽爾雅小山別大山曰鮮高平曰原

是也

冬十有二月周師有事于上帝

箋按王制天子將出征類于上帝禱于所征之

地泰誓曰予小子夙夜祇懼受命文考類于上帝是也

庸蜀羌髳微盧彭濮從周師伐殷

伐殷至邢正更名邢正曰懷○箋按孔氏

書傳曰八國皆蠻夷戎狄屬文王者國名羌在西蜀叟髳微在巴蜀盧彭在西北庸濮在江漢之南括地志云房州竹山縣及金州古庸國也益州及巴利等州皆古蜀國隴右岷洮叢等州以西羌也姚府以南古髳國之地戎府以南古微盧彭三國之地濮在楚西南左傳昭九年趙孟曰吳濮有蠻杜注建寧郡南有濮夷是也

湯滅夏以至于受二十九王用歲四百九十六年

附注起癸

亥終

庚寅

竹書統箋卷之六

總校王詒壽分校

汪學瀚校
吳承志校